

# *ZIPEGO ZYA LEZA LYOONSE*

## *ZILA JANA MASENA AAZYO*

 Nda lumba, Mukwesu Neville. [Mukwesu Neville wat, “Leza Aku longezye, mukwesu.” Mul.] I Mwami aku longezye, mukwesu.

Kwasiya, beenzuma. Nda zwaa kusika, kaindi kasyoonto kainda, alimwi Nda yeeya kuti Nda konzya kuselemuka a ku lombozezya nyoonse “Lukkomano lwa Krisimasi.”

<sup>2</sup> Elyo aboobo Tii ndazi kuti ni Ndaba a coolwe cipati ca kwaambaula kuli ndinywe aa Ijwi lya Mwami. Elyo aboobo Mukwesu Neville wa ndilomba, alimwi Nda jisi ziyo ziniini zya Krisimasi ezyo Nze kali kubelesya, cimwi cazyo kutala ku-ku Phoenix a kumusanza ku Tucson, masena asiyene okuya, mulumbe wa Krisimasi walyoonse. Elyo Ndali kuyeya kuti, sunumasiku, inga Nda kanana a cintucimwi cisyoonto okuno eco Mwami nca kabikka mu mizeezo yangu calino, mbuli Mbwe kali kutala mu Colorado.

<sup>3</sup> Elyo Nda kali kuyeyya a cintucimwi ku ciindi ca Krisimasi, alimwi Ndili jisi bulembu buniini butandila kuli bosanwe na cisambomwe bulembedwe aapepa awa, Magwalo a zintu. I... Ta ndi... Ndi yeeyela kuti Mukwesu Neville a bakutausi boonse bala cita obo. Nywebo...kuboneka mbuli kuti cintucimwi ciboola kuli nduwe, elyo ula cilemba aapepa. Ula lindila asyoonto, elyo ula cilemba aa pepa. Nda cibikka a kabeela ka pepa, buyo a kabeela ka pepa. Mpawo cindi ni Nda itwa ku ciindicimwi, Ndiyo jokela kulanga oonse awa a kwaamba, “Ino cakali cinzi lino eci Nce kajata?” Eyo nje nzila, cindi twaitwa cakubinda maningi, nywebo mulizi.

<sup>4</sup> Kwakali kunga, Nda...cindi ne Nda kali muniini, Nda kali kukonzya buyo...mizeezo yangu yakali maningi, Nda kali kukonzya kuyeyya buyo eci ndyoonya lino, alimwi Nse kali kweelede kulindilila, Nda yeeya “Mazuba ali kkumi aindia Nda kali mu busena, bumwi bumwi. Nceeco cibalo. Nceeco we, alimwi nceeco caunka.”

<sup>5</sup> Nywebo mulizi, kuzwida cindi Ne kainda ntaamo mpati maningi, Mukwesu Higginbotham, a kulanduka milonga misyoonto, kuti ta cibooli buyo limbi mu nzila eyo, kusakana aniini kutala lya lweendo. Pele ci...mbuli Mukwesu Neville mbwa amba, kaindi kasyoonto kainda, “Tuya buswena loko, kuswena loko ku Muunzi.”

<sup>6</sup> Ncibotu kujokela ku muunzi. Mebo, ku jokela, baa, caanda cibyaabi. Elyo kuli...a kumvwa ntenda zinji a zintu, bunji

loko bwabo mu mugwagwa, a bantu kaba jaigwa. Elyo kuyeyya buyo kuti myaanda yongaye ya baabo bayo sweekelwa maumi abo lino, akatikati ka sunumasiku a kwainda Mwaka Mupya, mbangaye bana America bayoofwa! Elyo nywebo mulizi, to bamwi inga katuli nkoonya okuno, sunumasiku. Elyo ciyaamina buyo lino, kuti . . . ciimo cesu kumbele lya Leza. Ncisi cakuusa, oyu mukwesu waamba, kuusa kumasena oonse. Elyo ndembela yesu yali kulengelela, kwa mazuba ali makumi otatwe, kupepela aakati, koonse nkaambo ka cibi a bantu batayandi kutambula nzila ya Leza ya—ya—ya zintu.

<sup>7</sup> Nekubakuti tatu zuminani a muntu, ikuti na akwalo tatu konzyi kucicita mu nzila yabunyina, elyo mpawo . . . Mwabona, ikuti na Kristo uli mu moyo, mpawo tacikwe makani obo kunji nko muta zuminani a muntu, unoojisi luyandisyo kuli nguwe a bulemu. Ta ndizuminani a bantu banji, ziindi zinji. Pele nekuba, Nsena bwene umwi ngwe Ta kazuminani a ceeco Ngwe kasola ku yeeyela bumwi kunze lya “ku mugwambatila a maanza angu a kumwiita kuti ‘mukwesu wangu,’ kusoleka kumu gwasya ku bubotu Mbwe kali kukonzya.” Ta ndizuminani a nguwe nkaambo kakuti Ndi yeeya kuti ambweni ku kutazuminana kuti wa . . . Eco nca syoma, eco Nce ntakonzyi kusyoma buyo mbuli nguwe, pele . . . azimwi zimbi, pele lino inga Nda sola bweelede kutondezya nzila yangu mbuli mbwa tondezya yakwe kuli ndime, a kuzibikka antoomwe a kululamika a kubona nco tu jisi, pele kutazuminana kuli boobo. Kuciimo mbuli mbo ciboola ku . . . ta tweede kunyema na kuyanda kunyonganya, na kunyonyoona na cili coonse. Lyoonse twe elede kusoleka kuyaka.

<sup>8</sup> Jisi ciindi citontola loko cicitika okuno, embo na? Makumi ali ciloba aatubili cindi Ne kazwa ku Tucson, alimwi zuba nelya kabbila a kusiya, yaka cili makumi ali cisambomwe afuka. Aboobo, mpawo kujokela kutala okuno, Ndi bimba buyo koonse, nywebo mulizi. Ndi . . . Mugwagwa oyo uwzide caanda, alimwi kensi a ziro, a zikoto zyameenda a zintuzyonse, Nda kacita kuzibila kuli mbubo alubo. Nceenzu loko obo mbo konzya “kuzibila kubube bwaciindi” muli boobo ii—ii nzila niini. Elyo kuzwida ciindi Ne kamusiya, Nse kajana ciindi ceelede ca kuzumana kupona kabotu. Ndi jisi ii . . . mbuli bulwazi bwa zipulo zya mpemo mu i—bube bwaciindi omuno, alimwi mbuli Mbweya bukomena maningi . . . Elyo Nda kazyalilwa a kukomenena omuno. Pele cindi, nywebo mwabona, cindi wa nooli mwana, ujisi cintucimwi, nco konzya kusowa; pele cindi wa komena mamingi, baa, ula talika kujana kuti cintucimwi taciko. Kwakali kunga nkocili, inga buyo waluba buyo kujatikizya ncico. Yebo . . . kuli cintucimwi okuya eco—eco citako sowegwa mbuli mbo cakacita cindi nokali kana, aboobo Ndi bona nzila eyo Nje . . . obo bube bukasaala bwaziindi zilamfu, ku mudaala, ku baanga kula gwasya asyoonto.

<sup>9</sup> Nda yeeya kuselemukila oko ku Utica Pike kutala okuya, mbuli kana (myaka yakukomena ili ciloba, lusele, kkumi, kkumi aibili, kkumi ayone), nketa samide mabbusu (mabbusu akuumya tenesi) alimwi yakali lusele na kkumi kunsi lya ziro, a mabbusu akuumya tenesi, a tunwe katupolede kuzwa kuli ngawo. Elyo kutali...lino oko takuli kweenda kuselemuka kagwagwa mbuli okuno, pele kupwayaula caanda. Kwiina myootokala iselemuka, inga kwaba mootokala mupati uvumbidwe ziindi zimwi. Kuselemuka mugwagwa oyo mupati kuseeni, abbaki liniini kalisamidwe, kakwiina shaati, alimwi kali sumidwe mbuli *boobu*, buyo eco Nce jisi ndyoonya lino; kuteta ku mazwi angu, kuzumanana moonya akuta bikkila maanu kuli ncico. Mwabona, kutaba akumvwa mpewo. Pele eyo yakali myaka itandila ku makumi one ayosanwe yakainda. Aboobo, kukompama koonse, keenda mamaile manji a kwiindizya ku spidomita, nywebo mulizi, aboobo tatu cibwezi buyo mbuli mbo twa kali kucita.

<sup>10</sup> Nda bona Mukwesu Capps kanusya mutwe wakwe. Wa besya mwana kuyeyya miyeeyo eyo lino. Elyo aboobo kolindila ukomene oko Mukwesu Neville a Ndime mpo tubede, mpawo—mpawo uyo—uyo yeeya zintu bwandeene, kubaanga kula kompamya.

<sup>11</sup> Ee, twa kajisi ziindi zipati mu Mwami. I Mwami wa katulongezya kapati loko, elyo Ndili lumbide loko. Elyo Nda jokela, Nda yeeya, Munsondo mutobela, Mwami nawayanda, Ndi yanda, ikuti na Mukwesu Neville takwe ndaba, i...Ndi yooba a kuswaangana, nokuceya Munsondo cifumo alimwi ambweni Munsondo masiku, kuswaangana kwakuponya kwa masiku Munsondo. Munsondo cifumo Ndi jisi mulumbe muyandisi, ikuti na Mwami kayanda kuti nduuukambauke. Ta ndina yeeyela cibalo cangu...buyo cibalo cangu akwalo, takukwe ciiyo kuli ncico, nkaambo Ndi—Ndi...kutali kubula—kutali kubula cili coonse, nywebo mulizi, ciyubunuzyo kuzwa ku Mwami, pele buyo muli lwangu. Ndi—Ndi yanda kuyo tondezya cintucimwi Munsondo eco nce Ndi langila kuti ciyo baanga camugwasya antoomwe mu nzila ezi.

<sup>12</sup> Nde elede kwiinka lino mu mulimo, alimwi Ndi jisi buya buzuba abuzuba kutandila kutolwa kuli koonse. Ndi yeeya kuti Billy wali kundaambila, akati ka maccililanwa abweende, kuti Ndi jisi mazuba obile na otatwe ayo Nge konzya kusika ku muunzi mu Mukubwekangala Nda akuzwa kokuno, kujokela ku Tucson, alimwi kuti eco citandila kucibamba mpawo. Elyo mpawo kuyabuya mane ku Vumbipati, Kavumbikaniini katabela, cindi Nda akujokela ku lubazu olu alubo kuzwa ku masi aakumbi.

<sup>13</sup> Lino, kucili mazuba obile kusika mu Krisimasi. Buzuba bomwe busyeede, embo na? Ayo ayooba obile. Muvulo... Bwabili Nkulinda kwa Krisimasi? Bwabili Nkulinda kwa Krisimasi. Sena tacili cibyaabi kubona kuti buzuba obu bupati

bwakupumuna, obo mbo tu swenena, bulanganisigwa mu ciyanza eco mobulanganisigwa? Ncintu cuusya nsoni, mbuli ii—ii—ii cintu cakubindila, ku yeeya kuti—kuti tusulwe alimwi ii—ii kaano kakale kabuyo kategwa “Kriss Kringle” (Santa Claus) a zintuzyonse, twa gusya bubotu bwini kuzwa kuli obo Krisimasi mbo ibede.

<sup>14</sup> Lino, ta tu...ta—ta tuzi, alimwi Nse syomi ncobeni...Nda kali kuya buselemuka buyo, mukaintu wangu kusule okuya, elyo Nda...kuya buselemuka mu mugwagwa, li kuswiilila kuli sikweembela zya kujulu; kuti lino, bawida buyo ku muzeezo oyo sikweembela zya kujulu ngwa akanda ambilide kwa myaka minji, minji yainda, cindi ne Nda kacili sikulangalanga zya musyokwe okuno mu Indiana. Cindi noba kandaambila kuti... obo nyenyezi ezyo mbo zyakaswaangana antoomwe, mbubonya mbuli oyo sikweembela zya kujulu mbwa akacita nkabela eco cakapangwa, ncoba kaamba kuti ciyooba cintu cabulenge eco cicitika lyoonse, Nda syoma wa caamba sunumasiku, myaanda ya myaka ili lusele, na cintucimwi mbuli booboo. Elyo cila libambulula cini alubo, ca: Sargas a Jupiter, alimwi Nda luba; a Mart...Mars; pe, Nda...eco cili lubide. Nziimwu zya nyenyezi obo mbo zizuza ciindi zya kosola tuzila twazyo mu munkali wa nyika, elyo oyu sikweembela zya kujulu sunumasiku wali kusola kucaamba kuti mu masimpe cakali cintu cabulenge. Ta—Ta ndi—Ta ndi zumini obo. Nda syoma kuti cakali cintu cigambyakwiinda, eco Leza nca kacita. Walo, zintu zilagambyakwiinda antoomwe a Leza. Walo Ncigambyociinda.

<sup>15</sup> Elyo—elyo Nda kalanga ansi a kuziba kuti eci citondeka kaindi lino ku Mukubwekangala, Nda...Mwami nawayanda kuli ndime kupona ciindi cilamfu booboo, Ndi yooba a myaka ili makumi osanwe ayosanwe yakukomena. Mwabona? Elyo Ndi—Ndi lizi i...Pele kulanga kaindi ku buumi bwangu, alimwi Nda libuzya awo mpo cakacitikila. Kuzwa kuli aayo ma Krisimasi mataanzi maniini, cindi no twali kwaanzika masookesi esu, elyo Baama bakali kunga baabweza... Twa kali kunga antela kujana fuleenke, a tubeela tuniini tobilo na totatwe twa mulongo wa maswiiti, elyo oyo wakali Krisimasi mulemu kuli ndiswe. Pele, nywebo mulizi, twana tula—tula ngila zipego zyato. Tu—tu jana kuti—kuti Krisimasi ku i...kapati bana, ba—ba langila kuli ceeco mazuba ano. Ya—ya sandukila ku bana. Pele yeelede kuba ncobeni ku bapati; yeelede kuba ya kuyiisyia bana babo obo Krisimasi ini mboibede.

<sup>16</sup> Elyo Nse syomi cakumaninina kuti—kuti Kristo inga waka zyalwa mu buzuba bwa tweenti faiyi bwa Nalupale, mu Judiya, nkambo kulatontola maningi kwinda mbo kubede nkoonya okuno lino. Mwabona? Oh, alimwi mbobuti beembezi mbo bakali noembela kabotu matanga abo ciindi ca masiku? Elyo—elyo mpawo kutela a zintuzyonse, a Mariya wakeelede kweenda kulamfu booboo, kuzwa kumusanza wini mu Betelehemu kuya

kutala mu Judiya, kutala mu Jerusalema, mubwini, ku i...ku kutela. Nse—Nse—Nse konzyi—konzyi—konzyi kusyoma boobo. Kuboola kutala, Nda syoma waa kaboola ku Nazareta, elyo aboobo cindi... Mbobuti eco—eco mbo cikonzya kucitwa. Ni cataka konzeka ku—ku citwa, pele Ndi syoma cuti Kristo wakazyalwa mu ciindi cabutololo, nkaambo mu nzila zyoonse Wa kali Kabelele. Mwabona? Nywebo mwaziba, Wa kazyalilwa mu buyake bwacilido, nkabela kutali mu ng'anda?

<sup>17</sup> Elyo cindi nobaka Mu tola ku ciingano (bamwi), kuciimo mbuli mbo tuzi, cuti taakwe na kaamba kujatikizya Nguwe kubasololela, pele baka Mu sololela. Sena mwakalizi cuti kabelele na mbelele yeelede kusololelwa ku cijailo? Ta—ta ikainki ku cijailo, we—we elede kwii sololela kuya kokuya. Elyo kanji ni mpongo iisololela mbelele. Mu i—mu tumando twa kujailwa, ba jisi mpongo. Elyo mpongo iyo enda mu keendelo aka, kusikila yasika kubamba mbelele katalika kuselemuka mu keendelo kuyo jaigwa, elyo mpawo mpongo iyo sotokela anze. Pele ciindi casika ncoba yanda kujaya mpongo, ilabbansa kukwankana ncobeni (yeelede kunjila mukati) pele, akwalo, to konzyi kwi itongooka. Pele—pele yalo nci ii—ii cintu nzila mbelele mbo yeelede kusololelwa, elyo Wa kasololelwa ku cijailo. Ba ka Mu sololela. Wa kali Kabelele. Elyo Nda syoma mu munzila eyo mukuba bupange cakumaninina, a tubelele tuzyalwa mu Miyoba, Mukubwekangala, a kumwi antoomwe omuya, kutali kwiindilila mu Kaandakaniini. Elyo Ta ndicisyomi cuti cakali cintu cili coonse kau tanasika Miyoba a cintu cili coonse kwainda Kaandakaniini, ciindicimwi kuya omuya.

<sup>18</sup> Pele cindi mbungano, Bunakristo, nobwa kasangana a buna Romani, kwakali ku Kkanso yaku Nicaea, ciindi neba kazumina... cisi ca bana Romani cakazumina Bunakristo a kubamba nco bakaita bukombi bwaboone munyika, bwakali Bunakristo. Ba kabamba bukombi bwaboone munyika, elyo bakali kukomba mituni, nkabela baka jisi kaleza kazuba.

<sup>19</sup> Elyo ndyoonya lino, kuzwa i—kuzwa mu tweenti wani kusika mu tweenti faivi, izuba litandila kwiima mu mukondo walyo nguonya mbuli mbo liya bweenda. Mu ciita cuti nzi? Ca kali i... Ndali kuyeyya cuti Ndali cizi, pele Ta ndikonzyi ku ciyeyya. Cindi zuba noli—lili... li—litola kujana ciindi cinji loko a kusweekelwa ciindi cinji loko, kusikila tweenti wani, akati ka tweenti wani a tweenti faivi iya Nalupale. Oh, Nda luba obo mbo ba ciita. Inzi? [Muntu umwi mu mbunga wat "Eklipusi?"—Mul.] Peepe, eklipusi ncindi ne liinda, zuba a mweezi no ziinda antoomwe. Calo ncintucimwi omuya, oh, Nda—Nda—Nda konzya kutandila ku caamba pele kuta konzya mponya awa. Nekubaboobo, oko nkwiima nji kwa zuba oko kwiitwa a bana Romani (nce cindi busena bwamisobanino yabuleya nibwa kazumanana), bwakali kutegwa

*buzuba bwakuzyalwa bwa kaleza ka zuba.* Ba kabusekelela kuzwa mu tweenti wani kusika mu tweenti faivi ya Nalupale.

<sup>20</sup> Aboobo mpawo, mukuba kuti oku kwa kasandulwa, Rome mu... Bunakristo bwa katambulwa, mu nzila yabo mu Rome, mpawo ba kati, "Tuyo obamba kusekelela nkukonya, a kubamba *buzuba bwakuzyalwa bwa Mwana wa Leza.*" Mwabona? I kaleza ka zuba, buzuba bwakuzyalwa kwa Jupiter, mpawo buzuba bwakuzyalwa kwa Mwana wa Leza, tweenti faivi ya Nalupale, alimwi kuti...

<sup>21</sup> Pele ndwandaano nzi ndo cipanga? Mwabona, sunu cindi twa no... Nekubakuti buli ii... ikuti na bakali ku cita mu Kunkumunamasamu na Iwwivi, na kufumbwa mbo cinga caba, cicili cintu cisetekene ca kwiiabaluka kuti "Leza waka tupa bulangizi obo mbo tujisi muli ndiswe."

<sup>22</sup> Elyo lino, nywebo mwati, "Ee, zimwi zyabo zyoonse nzya Santa Claus a kuyakuya mbubonya mbo bacita; baa, aswebo buya inga twa cicita." Peepe, munene! Peepe, oku takuli kusekelela kwa buhedeni kuli ndiswe, eli ndi oora lisetekene. Ikuti nokwa talikwe Krisimasi, nokwa talikwe bubuke. Ikuti nokwa talikwe Krisimasi: nokwa talikwe luyandisyo, nokwa talikwe luumuno, nokwa talikwe zyakumbele ku musyomi; ikuti nokwa talikwe Krisimasi.

<sup>23</sup> Elyo lino, nywebo mwati, "Ee, ikuti na bamwi ba nyika, ba buyo..." Ee, mwabona, ndulabo lwaanzaana mu mincali mu mudima, milengalenga izwide makumbi, kutondezya kuti inga kwaba mumuni mu ciindi ca musinze. Eyi mimuni sunumasiku itondeezya kuti, kuti inga kwaba mumuni mu ciindi ca musinze. Elyo ndelili mumuni no umwesya buboto bwawo kwiinda? Mu musinze. Amu yasye mimuni eyi ciindi ca sikati, zuba kalibala mukati, ta mukazibi ncobeni kuti ilayaka. Pele komwe buyo kuniini, gwee mumuni uyo mwekesya ncobeni mu ciindi ca musinze. Elyo ndyoonya lino kuli musinze cindi Munakristo aumwi naelede kupa bumboni bwa bulangizi obo buli muli nguwe, bwa Jesu Kristo Mwana wa Leza; kutali bumwi bwa Kriss Kringle oyo waka zyedwe kalekale, nywebo mulizi, a musyobo umwi wa musamu oyo waka munikwa a kuselemukila mu syokwe busiku bumwi, kaano kamwi kakuyeyela buyo cakuti kwiina ntalisyo kuli nkako. Pele tula syoma cakutonkomana aa Ijwi lya Leza ilya kasyomezegwa lya kuboola kwa Mesiya, alimwi Wa kazyalilwa aa buzuba bwa Krisimasi, tweenti... munci loko ku myaka ili zyuulu zyobilozakainda, tula syoma.

<sup>24</sup> Aboobo, sunumasiku tuyo okanana aniini mu nzila yandeene. Ndi yeeylea kuti mweembezi wanu wa kanana kale, alimwi antela kukanana muli Bwatatu masiku alubo nkaambo Ndi—Ndi lizi wa bamba kale ciiyo na cintucimwi, cakundipa

cibumbili eci sunumasiku. Elyo Ndi yanda kuti acilete, Ndi yanda kuswiilila kuli nguwe.

Pele, katutana buyo lino kucita ceece, atu kotamike buyo mitwe yesu alubo ku ciindi ca mupailo:

<sup>25</sup> Taata Wakujulu, ciindi eci cilemu cisetekene, cindi twa yeeya zintu ziindene mu Lugwalo omu, kuti kuli koons nko tuunka, kujokela mu Cizuminano Cakale, lukanana kujatikizya buzuba obo cindi Leza aakutuma Mwana Wakwe. Obo basinsimi abo kaindi okuya mbo bakabikka ciindi cabu ca zisinsime zya Ijwi lya Leza kusika kuli mbabo. Elyo ba kasinsima mu mazuba abo akwaamba zintu kumbele ezyo zyakali noyo citika, nkabela twa cibona coonse kacizulila omuya mu Betelehemu ayo masiku cindi Leza na kayandisa inyika cakuti Wa kaipa Mwana Wakwe simuzyalwa alikke. Twa Ku lumba kuli ceecei.

<sup>26</sup> Elyo lino, Mwami, sunumasiku mbuli mbo tukkala awa ku—ku kanana aa Ijwi Lyako; alimwi Lili setekene maningi, Mwami, ako nkekaambo nco tu yanda kukanana kuli Nduwe lutaanz. Elyo twa lomba kuti Uyo jula kumvwisywa kwesu ku Ijwi Lyako. Mu Zina lya Jesu twa cilomba. Ameni.

<sup>27</sup> Lino Ndi yanda kubala Lugwalo lumwi awa, kaano buyo ka Krisimasi kalyoonse, ku Lugwalo lujanwa mu—muli Matayo, cipati 2. Elyo kuciindi no mucivununa kuli ndulo, a Johane 3:16.

<sup>28</sup> Elyo busiku bumwi kutala ku Phoenix... Ikuti na nywebo noba simateepu okuno, baswiilila ku mateepu, Nda yanda kuti muka swiilile kuli yeeyo imwi: *Kaambo Jesu Nca keeleder Kuboola Ku Betelehemu*. Nkaambonzi Nca keeleder kucicita? Elyo ziiminizyo ezyo zya Davida, kakkede alimwi—alimwi kulindila atala a cilundu, kalanga ansi a kubona impi ikwabilide iyaba Filisiti. Elyo Nda keezyanisa eco kuba mbubonya sunu, a kujana kuti Betelehemu... nco lyaamba.

<sup>29</sup> Elyo Kristo ngu Betelehemu wesu, aku konzya kutondezya kuti muntu aumwi oyo wakazyalwa kwa Leza wakazyalilwa mu Betelehemu, nkaambo Kristo ngu Betelehemu. Elyo mbo mbubo Mbwa akabede, *Cinkwa ca Buumi*. Elyo Bete, *B-e-t-e* ciiminina—ciiminina “ng’anda,” *E-l* ngu “Leza,” alimwi e-le-h-e-m-u ngu *Elhemu* eco ciiminina “cinkwa,” alimwi “Cinkwa camu Ng’anda ya Leza.” Elyo Jesu Kristo wakali “Cinkwa camu Ng’anda ya Leza,” *Cinkwa ca Buumi* Butamani. Elyo muntu aumwi oyo wakazyalwa muli Kristo, waka zyalilwa mu *Betelehemu*, “Cinkwa camu Ng’anda ya Leza.” Elyo obo inkamu zya mambungano aya sunu mbwa kwabililwa, mbuli ba Filisiti, ku kasya bantu kuli Njiyo.

<sup>30</sup> Elyo obo abo bantu abo basintaze, kabazi kuti Davida wakali nanikidwe nkabela wakali kuyooba mwaami buzuba bumwi... katakwe mpuwo loko mpawo loko kuciindi eco, nkaambo wa kali sikuloboka kuzwa akati ka bantu bakwe, pele buzuba bumwi kwiitwa kwakwe kwa kasika. Baka jisi bantu basintaze

antoomwe a nguwe. Elyo amuyeyeye, abo bantu bakali Bamasi, bunji bwabo bakali Bamasi, cikozyanjo cibotu loko ca sunu. Elyo muntu omwe wakali sintaze maningi, wa kajaya bantu bali myaanda ili lusele anzi... a sumo lyakwe, alikke, mu buzuba bomwe. Aumwi wa kaliimvwi mu muunda wa tunyangu, nkabela impi yakayutuka kutala, basilumamba. Elyo boonse babo baka zuzaana, elyo wa kaima alya a kujaya bantu kusikila maanza akwe akakatala. Elyo mpawo aumbi, obo mbwa akasotokela mudindi a kujaya mulavu aa buzuba bwakazwide caanda, alikke luzutu. Elyo mu Filis-...na muna Egepita waka muzuzila kumusaala, a sumo damfu, eno wa kabweza kasamu a kutapula sumo eli kuzwa mu janza lyakwe, kabweza sumo a ku jaya muna Egepita lwakwe, a kujaya basilutwe bali myaanda yotatwe.

<sup>31</sup> Elyo kupa baalumi balemu! Davida wa koompolola, “Ikuti na Nda konzya kunywa alimwi lomwe, mwabona, kuzwa ku mukalo ulya!” (oko nkwaakali kunywisizya mbelele zyakwe cindi nakali kwiinka cifumo, kuzwa ku cimpati, zyakali kunga zya yanda kunywa maanzi) Elyo bantu aba baka somona mapanga abo a kulwana do mamaile ali kkumi aosanwe aa bantu, kajosya maanzi aya.

<sup>32</sup> Elyo Davida wakati, “Nkule maningi, kuti Nda anywe.” Elyo wa kaatila ansi mbuli cipaizyo cakunywa ku Mwami. Ino ncikozyanyo cibotu kwa cintu nciconya, ca yeeyi Johane 3:16, sunumasiku.

*...Leza mbwaka yandisya inyika, cakuti Wa kapa  
Mwana Wakwe simuzyalwa alikke,...*

<sup>33</sup> Elyo Kristo wa kacita nzi? I Buumi obo Mbwa akeelede kuti apone Kutamani, Wa kabutilila ansi kuzwa ku nsinga Zyakwe, buumi Bwakwe bwakunyama, ansi mbuli cipaizyo ca zibi kuli ndiswe. Elyo obo Bamasi sunu, bantu ba bulemu, bantu, bantu batapi, kaba bweza panga, a kwiimikila okuya a kuya buli bambila nzila yabo moonse kuyo lijanina maanzi akunywa mabotu aa Kristo (Davida wesu), oyo uutakwe mpuwo loko sunu. Pele Davida wesu, oyo ngo tuzi kuti Ula boola mu bulelo, Uyo lyataula zisi zyoonse kunsi lya matende Aakwe mbuli boobo, a kwa endelezya a musako wa butale. Elyo bantu basintaze ncobeni, kabaimvwi a Ijwi lya Leza a kuyasaula kuzwa ku lubazu akuya ku lubazu kakutakwe kuyoowa, nkaambo tu lizi kuti Ula boola mu bulelo.

<sup>34</sup> Atu bale lino, kwamana Johane 3:16; atu bale ikuswaya kwa—kwa ba Meijai iba Musalali Matayo, cipati 2.

*Lino cindi Jesu nakazyalwa mu Betelehemu waku  
Judaya mu mazuba aa mwaami Heroda, amubone,  
kwakasika bantu basongo kuzwa i—kuzwa kujwe  
kuyaku Jerusalema,*

*Kabaamba, Uli kuli oyo wakazyalwa Mwaami waba Juda? nkambo twa kabona nyenyeesi yakwe kujwe, elyo twaza kuzo mu komba.*

*Cindi mwaami Heroda...nakamviwa zintu ezi, wa kakataazigwa, a Jerusalema yoonse a nguwe.*

*Elyo cindi naka bunganya...bapaizi bapati a i balembi ba bantu antoomwe, wa kababuzya oko Kristo nkwa keelede kuzyalilwa.*

*Elyo ba kaamba kuli nguwe, Wa Betelehemu waku Judaya: nkaambo mbuboobu mbo kulembedwe ku musinsimi,*

*Elyo yebo Betelehemu, mu cisi ca Juda, sena yebo toli muniini kwiinda akati kabami ba Juda:...kuzwa kuli nduwe kuyo boola Muleli, uyo endelezya bantu bangu iba Israyeli.*

*...Heroda, cindi naakaita bantu basongo cakumbali, wa kababuzisisya kabotu ciindi nyenyeesi niya kabonekela.*

*Elyo wa kabatuma ku Betelehemu, a kuti, Kamuya muka yandaule kabotu muvwanda; elyo cindi mwaaku mujana, muzo ndaambile alubo, kuti Ndi boole ambebo kuzo mukomba.*

*Cindi neba...kamvwa mwaami, ba kainka; elyo, njeyo, inyenyeesi, eyo nje ba kabwene kujwe, yakaya kumbele lyabo, kusikila ya kaboola a kwiima atala awo muvwanda mpa kabede.*

*Elyo cindi neba kabona nyenyeesi, ba kakondwa a lukondo lupati.*

*Elyo cindi neba kasika mu ng'anda, ba kabona muvwanda antoomwe a Mariya banyina, mpawo bavundama ansi, a ku mukomba: elyo...ba kavununa zilondwedo zyabo, ba katuula kuli nguwe zipego; ngolida,...a libano, a mura.*

*Elyo muku cenjezegwa a Leza mu ciloto kuti batazwi...bata jokeli kuli Heroda, ba kainka ku cisi cabu cini ku nzila iimbi.*

<sup>35</sup> Ncigambyo loko okuno kuti Leza, mu nzila nteteete,...Leza ula kanana ku bantu kwiinda mu ziloto. Nda cisyma. Pele obo cakuti Leza mu ciimo eci wakabelesya nzila yaansi.

<sup>36</sup> Lino, ciloto nci...ii ciloto, ikuti na capandululwa kabotu, ncimwi mbuli cilengaano; ikuti na nciloto alimwi kupandululwa. Leza waka ibelesya kuzwida ciindi cakale mu Cizuminano Cakale amuciindi cakatobela mu makkalo, a kusyomezya mu mazuba aamamanino kwii belesya alubo. Lino, bantu inga bazembelwa a—a zimwi akuba aa ziloto ziyoosya loko, elyo ta

zili— ta zili ziloto, zini zya kumuuya, ta zili mvwisyi bweelede cindi mwa—cindi mwa zibala. Elyo zimwi zyazyo inga zyaboneka kululama, pele nekubaboobo, kuli ziloto zini zya kumuuya. Elyo tu lizi okuno ku cikombelo kuteeti Leza ulapa bantu ziloto nkabela zila pandululwa, nkabela zila citika, nkabela nzya bwini. Pele ni nzila yaansi ya kucicita. Mwabona?

<sup>37</sup> Lino, kaambo nco cakacitilwa kaindi, kakali kaambo kakuti kwakanyina musinsimi mu cisi ku ciindi eco, ku pandulula ciloto. Mwabona? Kwakanyina musinsimi waku pandulula ziloto, mbuli Josefa a—a Daniele a basinsimi abo bakale. Tiiba kajisi musinsimi kwa myaka ili myaanda yone, nkabela Leza waka belesya ciloto ku...ku nseba ya koonse ya Mwana Wakwe Mwini. Wa kacita.

<sup>38</sup> Wa kaambila Josefa, cindi naakali “muntu uululeme, ta akayanda ku muusya nsoni, waka yeeya ku muleka cakumbali.” Takukwe kuzumbauzya waa ka mwaambila kuswaya kwa Gabriyeli abamwi bambi, a ceeco nca kaambide; pele cindi naa kamubona kuba mutumbu, ca—ca kaba cigambyo maningi. Nywebo mulizi, ca buyo...ca kali cintucimwi caandeene maningi. Elyo nywebo mulizi, eelyo nde penzi sunu. Leza ula cita zintu zigambya, alimwi cila gambya maningi kusikila awalo muntu uululeme takonzyi ku cibona.

<sup>39</sup> Josefa taakakonzya ku cimvwisyia, cakaba cigambyo maningi. Wa kali muntu uli kabotu, taakwe cakalubide kuli nguwe. Wa kali muntu uli kabotu, muntu uululeme, pele cakali kugambya maningi. Mwabona, Josefa ambweni wakali myaka ili makumi one na makumi one ayosanwe yakukomena, cintucimwi mbuli ceeco, baka taminina, cindi walo a Mariya noba katangana. Pele awa tu jana cintucimwi ca katalina citikide: mwanakazi wakatangidwe ku mwaalumi oyu nkabela waka janika kuba mutumbu! Elyo cakaba cigambyo maningi cakuti Josefa waka yeeya ku muleka. Pele mpoonya buyo aa ciindi eco caka syanikide, Leza wa katuma Angelo Wakwe, elyo wakalibonya kuli nguwe mu ciloto a kuteeti, “Ta yoowi kuli bwezela Mariya mukaintu wako, nkambo Eco cimitidwe muli nguwe nca Muuya Uusalala.” Kwakanyina musinsimi wa kupa bupanduluzi, aboobo ca keelede kuboola cigaminina, cakusooloka mbuli booboo; kuli Leza...kuzwa kuli Leza kuya kuli Josefa. Lino...alimwi Leza waka bweza nzila eyo yaansi.”

<sup>40</sup> Ino lwakali lusyomo lwakazyalwa cabupya olo Josefa ndwa keelede kuti wakali jisi cindi nakabuka kuzwa awo! Mwabona, ta kali kuyandikana bupanduluzi buli boonse, ciloto tii cakali mu ziiminizyo. Ca kali soolokede ncobeni, “Ta yoowi kubweza Mariya mukaintu wako, nkambo Eco cimitidwe muli nguwe nca Muuya Uusalala.” Kwakanyina musinsimi wa kupa bupanduluzi, aboobo ca keelede kuboola cigaminina, cakusooloka mbuli booboo; kuli Leza...kuzwa kuli Leza kuya kuli Josefa. Lino...alimwi Leza waka bweza nzila eyo yaansi.

<sup>41</sup> Ncinzi nce cituyiisya sunu eni awa, katutana umputa ciijo cesu? Nceeci nce cituyiisya: nkuti Leza ula konzya kubelesya

kukonzya kwamizeezo kwa bupange bwesu kuti na zya tuulw-... zyaabwa kuli Nguwe. Ula konzya kubelesya mizeezo yesu, ziloto zyesu, zibela zyesu zyakuyeyea kutamvugwi, manjezeozya esu mataanzi, milaka yesu, nyimbo zyesu, meso esu, zyesu... Zintuzyonse nzyo tu jisi inga zyabelesegwa aa Leza ikuti na zya tuulwa kuli Leza. Mwabona? Zintuzyonse nzo mubede, muzi tuule kuli Leza. Uyo belesya kazila a kabeela koonse ka ndinywe. Uyo kabelesya. Takukwe makani mbo cibede, Uyo cibelesya ikuti na caka salazigwa ku bukanze a lwiito Lwakwe.

<sup>42</sup> Lino, sunumasiku tuyo kanana aa: *Zipego*. Elyo Ndi yanda kucipa bubande obu, ikuti na... Nda lemba, gwalagwala cintucimwi aapepa omuya, cindi Mukwesu Neville nali atala: *Zipego Zya Leza Lyoonse Zila Jana*... *Zipego Zya Leza Lyoonse Zila Jana Masena Aazyo*. Zipego zya Leza lyoonse zila kakwa, pele ncobeni cila jana busena bwaco cindi...

<sup>43</sup> Lino, amulangilile cipego eco bantu basongo nco bakaula... na kuleta kuli Nguwe. Sunu tu jana kuti tu sintanya zipego. Muntu aumwi wakacita kujana cipego, a kusoleka kumvwisywa mulombwana utobela ncayo mupa, aboobo inga wa mupa cintucimwi kweezyanisa kupati boobo. Elyo ikuti na tacili ncico, ee, aa Mwaka Mupya, ulimvwa kuti weelete kucipanga. Elyo umwi aumwi kabala a kulibiliaka a kweenda aa cibuye, bavubi maningi mu lubono a mali, obo mbo bayo zwidilila. Ba kapa kunji boobu kuli *oyu* umwi a *oyo*, kakuli cili—cili lubide kumaninina. Cili—cili—cili—cili kumaninina... Krisimasi...

<sup>44</sup> Awa: kuli cipego comwe luzutu nco konzya kupa, eco nduwe lwako. Ko lipa lwako kuli Leza nkaambo Leza wa kakupa kale Cipego Cakwe. Lino, nceco cintu luzutu ncola cikwelete kujosya kuli Leza, eco nduwe lwako kuli Nguwe.

<sup>45</sup> Lino, a ziindi zinji, *mazina* ali mu Bbaibbele. Ta tu ciciboni limbi, sunu. Tu... Mwa ka ndimvwa kanji nke sabula zina eli, lya kwiita bana...na bantu kwiita bana babo “Ricky.” Lino, *Ricky* ndi zina libyaabi! Mwabona? Elyo lili ii...nywebo ta mweelede ku baita boobo. Ikuti na ujisi mwana uulikidwe Ricky, nkaambo ka bubotu, koli cinca ku cintucimwi cimbi. *Ricky*, na-na *Elvis*, na cintucimwi mbuli boobo... *Ricky* caamba “mbeba.” Mwabona? Elyo aboobo nywebo—nywebo mulaya... Elyo—elyo eco ncointa muntu, nce coongelezya ceeco. Ii mulindu muubauba, buzuba bumwi, waka jisi mulombe muniini kubusena okuya utegwa “Ricky” a zina lyakwe ngu Ricky, James Ricky. Elyo nkambo kakuti lyakali ampuwo loko (*Ricky*), baka mwiita kuti “Ricky.” Nda kati, “Koli cinca zina eelyo!”

<sup>46</sup> Nda bona bantu bakkede mpoonya awa lino abo bajisi muzukulu muniini mulombe, a zina lyakwe ngu... i umwi—umwi mulombe muniini mubotu wiinda, mulombwana muniini weebeka; nkabela aumbi umwi ngu Ricky, alimwi obo

mbwabede. Amu mulangilile buyo, bulenge bwakwe buli buyo mbuli booboo. Elyo walo... Nda kaamba kuli bamwi bamasyaanyinakulu, na muntu umwi, Nda kat, “Kamwaambile banyina bacince zina lya mulombe oyo, kucinca buyo zina eelyo a kulangilila eco cicitika ku kana.” Mwabona, nywebo no bantu tamu yandi kusyoma booboo. Tu yeeya kuti twa kapona kwaciindi cilamfu kuli ceeco.

<sup>47</sup> Ikuti na taakwe cintucimwi mu zina, mpawo nkaambonzi kufumbwa buyo kuti Jakobo wakali kwiitwa kuti *Jakobo*, eelyo lyaamba “sikulyalukokobela, sikucenga,” obo mbwa akabede? Pele cindi naaka sinana a Mwami busiku boonse, nkabela Mwami wa kacinca zina lyakwe, a kujatikizya... cindi naakali a myaka iitandila ku makumi ali cisambomwe yakukomena. Wa kacinca zina lyakwe kuzwa—kuzwa—kuzwa kuli Jakobo kuba *Israyeli*, “imwaami kumbele lya Leza,” nkabela obo mbwa kabede.

Nkaambonzi Abramu nca akaitwa... kacita kwiitwa kuti “Abrahamu” muvwanda katana kuzyalwa? Nkaambonzi Sarai nca akaitwa kuti “Sarah” muvwanda katana kuzyalwa?

Nkaambonzi Paulo... na kwiita... zina lyakwe lyakali Saulo, pele ciindi naka swaana Jesu, Wa kamu cinca kuzwa kuli Saulo kuba “Paulo.”

Cindi Simooni naka cincwa kuzwa Simooni kuba *Petro*, eelyo lyaamba kuti “bbwe lisyoonto.” Elyo—elyo mazina abo oonse akacincwa, nkaambo obo mbo itwa ncintucimwi cijatikizya ndilyo. Cindi wa kanana cintucimwi, cila lizibya cini. Ta ndi yandi kunjila muli ceeco, nkaambo nce ciboola masiku Munondo mutobela, mwabona, kulizibya kwa ijwi. Elyo, pele lino, twa jana zintu ezi kuba bwini loko.

<sup>48</sup> Lino amulangilile, Leza... Ino ncintu ceenzu mbo cibede sunumasiku, kubona kuti bantu abo, ba Meijai, bantu bayiide, bantu batapi... kiboola kuselemuka kuzwa Kujwe, oyo wakali Babuloni, yalo yakali India. Elyo taakwe niba kaboola masiku oonse pe, a kutalika busiku bumwi a kusika okuya bwakatobela, ba kali kutandila myaka yobile kusika okuya. Tee bakasika ku Muvwanda muniini mu cilido. Ba kasika ku Mwana musyoonto, Mwana musyoonto. Elyo Heroda waka jaya bana bazwa ku myaka yobile yakukomena. Mwabona, kuziba kuti taakali kavwanda kakalede mu kalo kaniini, nekunga nakajaya tuvvanda toonse. Pele wa kajaya bana basyoonto, kutegwa abe abwini kuti waka Mu jata, kuli koonse kuzwa ku myaka yobile yakukomena kuya musule. Wa ka bamba ciindi mukuziba kuti taakali kuyanda kujaya banji loko, boonse babo, wakali buyo... nkaambo bakali buyo mbuli bazike kuli nguwe. Wa kali kuyanda kujata... kuba abwini ku Mu jata, aboobo wa kat, “I Kana kanotandila kuba myaka yobile yakukomena. Aboobo,

zintuzyonse kuzwa ku myaka yobile yakukomena kuya ansi, nku mujaya.” Mwabona?

Elyo eco cazulizya eco ca kaamba musinsimi, kuti “Mu—mu Rama kuyo omvwigwa ii—ii ku kwila na kulila, ii koomoka; ngu Rakeli uulilila bana bakwe, nkabela taba kaliko.”

<sup>49</sup> Lino, sena mwabona kuti aba bantu basongo, bantu batpati, bakali kutala mu Babuloni elyo baka bona Nyenyeesi Yakwe, twa kati, “Twa kabona Nyenyeesi Yakwe kujwe elyo twa boola kuzo Mu komba.” Ba kazwa kujwe, oko nko bakabonena Nyenyeesi, kaiya kumbo. Nkaambo India ili kumbo, kumbolwakunyiika yaku Bab—... ya—ya Palestine. Elyo ba kaboola nkoonya kuselemukila ku Mulonga wa Tigrisi a kukosola nkwaalale nkoonya moonya mukati, kabaselemukila mu Betelehemu oko nko bakajana i—i—i Muvwanda. Elyo amuyeeeye Josefa a mbabo taakwe niba kazwa okuya; ba kainka nkoonya kunselelo ku Nazareta a kuleta Mwana, nkoonya okuya.

<sup>50</sup> Lino, twa bona awa kuti ba katuula... Bantu aba, mukuba basikweembela zya kujulu a kwiiya inyenyeesi, a kubona mimuni eyi yakujulu ya maseseke kutala okuya, kuti kwakali cintucimwi cakali kucitika; kuti bakalizi kuteeti wa kali Mesiya, i—i Mweendelezi wa majulu a nyika, wa keelede kuzyalwa. Elyo baka boola, mukuziba kuti Buleza buyo vumbililwa, kuba mukati ii—ii mu muntunsi; ku kaambo ku mutondezya bumboni bwabo... Nywebo mulizi, nywebo mulizi, buumi bwako bula ambaulisya kwiinda majwi ako, kusikila tacikwe makani kuli ceeco nco kanana, bantu ba lizi mbuli mbobede kwinda mu—kwiinda mbo bede.

<sup>51</sup> Elyo amu langilile bantu aba, aba ba Meijai, baka Mu letela... Amulangilile zipego nzo baka Mu letela, zya kazibya eco nco bakali kuyeeya kuti Mbwa kabede. Ba ka Mu letela ngolida, libano, a mura. Elyo lino amulangilile obo ziiminizyo ezi, nze Ndi yanda kwaambaula kuli ndinywe kujatikizya lino... nce ncico ziiminizyo ezi nco zyaamba. Lino, Ndi jisi Lugwalo lumwi lulembedwe awa ndo tuyobala kwa kaindi biyo kasyoonto ali ncico, ikuti na Mwami wayanda.

Lino: ngolida, a libano, a mura.

<sup>52</sup> Lino: ngolida mu Bbaibbele... obo mbo ceelela masimpe kuli Kristo, nkaambo ngolida ikanana Buleza. *Ngolida* “Mbuleza.” Tula njila muli ncico mu kaindi buyo kasyoonto. *Libano* ikanana zya “mulimo.” Nkabela *mura* olo “ndufu.” *Leza, Buleza, mu mulimo wa kufwa*. Elyo obo mbombubo Mbwa akabede. I cintu nciconya eco nco bakalera ca kazibya obo mbo bakali kuyeeya kuti Mbwa akabede.

<sup>53</sup> Elyo Nda amba ceeci kuli ndiswe sunu, “I zintu nzyo tu leta kuli Nguwe zila zibya miyeyeo yesu mboibede kujatikizya Nguwe.” Mwa cimvwisya na nce Nda amba? Mwabona? Ikuti

na uli ii...Ikuti na ula Li syoma a moyo wako woonse, Ijwi lyoonse lya ceeco, uyo lizibya kwiinda kukupa coonse nco jisi kuli Ndilyo. Mwabona? Pele ikuti na ula busyoma kuba busena buboto bwa kunjilanina aa bantu babotu, koonse ku mbungano a zintu mbuli eezyo, nce ncico buyo kujatikizya cintu ncopa (maoora buyo masyonto akulibotezya antoomwe a mbunga imwi na cintucimwi). Pele ikuti na wa—ikuti na wa Li syoma ncobeni a moyo wako woonse, mpawo kopa zintuzyonse zili muli nduwe kuli Ndilyo. Mwabona? Elyo cila kuzibya, kuti ncobeni ula syoma Mulumbe, kuti ula usyoma kuba Bwini.

<sup>54</sup> Bantu banji loko ba lati, “Inga nda syoma kunji *boobu*. Inga nda syoma *obo*.” I basikwiyya...Nda syoma ciindi cakamana okuno, Nda ka kanana ali ceeco: *Basyomi, Basikulicenggeezya, A Batasyomi*. Tii cakali ncico na? Nda...Tii nda ka kanana ali ceeco okuno na? Mwabona? Elyo muntu aumwi, ula ngilila musela wabo. Mwabona, ciyo sika ku busena oko nko bakonzya kutola kunji kwa ncico, konzyi kutola casyaala.

<sup>55</sup> Lino, obo mbo zya keelela zipego ezi mu lweendo lwa Kristo aa nyika, Muvwanda wazyalwa ano a nyika. Elyo zipego ezi bantu basongo nzyo bakaleta kuli Nguwe, zya keelela ncobeni buya ku kutumwa Kwakwe kuzwa kuli Leza a lweendo Lwakwe lwa a nyika.

<sup>56</sup> Lino, cintu citaanzi: Leza. Oyu wakali Leza, Jesu wakali Leza mu ciimo ca muntu. Eco nciyumu ku bantu ku cizumina eco, neliba sunu, kuti “Wa kali Leza.” Elyo Wa...Mbo mbubo Mbwa akabede. Ta akali kulela kuba Leza. Wa kali Leza waka yubululwa mu mibili. Wa kali Cilenga mu bulenge Bwakwe Mwini. Lino kuti...Wa kali Cilenga mu bulenge Bwakwe, kwiinda ku bulenge, ku cilenge. Wa kali Cilenga mu bulenge Bwakwe, kwiinda ku bulenge Bwakwe, wa bulenge Bwakwe. Myuuwo yoonse kujokela moonya muli Leza, cintu coonse. Sena tamuboni? Buzule bwa Leza! Wa kali Cilenga masimpe cakuti Wa kali Leza. Elyo Wa kali Cilenge aa nyika (Cilenge ca ciindi), eco caamba kuti Wa kajisi matalikilo, nkokuti Wa kali lengela Mwini mibili waku kkalilamo. Leza, Mwini, waka lilengela mibili Mwini. Mwabona? Kuti kwiinda ku bulenge obu, kuti Ako nzye kufutula bulenge bwa kasweeka obo Mbwa kalenga.

<sup>57</sup> Taakwe cintu eco muntu nca konzya kunyonyoona kumaninina, takukwe cintu nociba comwe. To konzyi kucita cintu kuti unyonyoone cintu cili coonse cakumaninina. Inga wabweza kabeela ka pepa aku kaumpa, inga waumpa buyake boonse, inga waumpa samu lyoonse; toli nyonyoona cakumaninina. Yebo...oko kupya kuli mukati omuya, oyo mulilo uupasauka, eyo misamu buyo ibbotoka. Ijokela buyo kuli mbo yakabede ku matalikilo. Ta inyonyookede kumaninina. Ikuti na waumpa cikuni (nkabela nyika, yati, ikuti no twa kapona mu Butamani mbuli Leza, nkabela misamu eyo kuzwa ku cikuni eco a mulilo ulya zyaka jokela kumatalikilo

aabupya bwazyo bwini a zya... muli koonse mbo cakabede, ku kwamauka kwa maatomu a zimwi zimbi, i—i nyika, kwaamba, nko cinga caima kwa mamilioni aa myaka), eco cikonzya kujoka ncobeni alubo a kuba cisamu cimbi, mbubonya buyo mbuli mbo caka bede.

<sup>58</sup> To konzyi kunyonyoona cintu cili coonse cakumaninina nkaambo calo ndi Ijwi Lyakaambwa lya Leza. Amen! Oh, alimwi eco cindi bamba kulimvwa bukombi, lino. Mwabona? Eco Leza ncaamba, Cila ima kwa lyoonse. Amen! Mwabona, to konzyi kunyonyoona kumaninina. Tuli cibeela ca nyika eyi, elyo tatu konzyi kunyonyoonwa cakumaninina. Peepe, munene. I cibi (buntu) buyo nyonyoonwa kumaninina, tula mvwisya obo. Pele i—i mubili omo motu ponenamo, ta ukonzyi kunyonyoonwa kumaninina. Mwabona?

<sup>59</sup> Lino, nkikaako, Leza waka lilengela mubili Mwini. Wa kali Cilenga, nkabela wakalenga bulenge Bwakwe Mwini, kuti kwiinda mu Bulenge obu kuti Aka futule baabo bakasweekede mu bulenge Bwakwe (oyo nduwe a Ndime, zilenge zya ciindi).

<sup>60</sup> Ijwi Lyakwe—Lyakwe lyaka tondezya antangalala kuti... Walo a milimo Yakwe zyakatondezya kuti Ta akali kulela kuba Cilenga. Wa kabweza kabeela ka cinkwa a ku kakwamuna, a kuzumanana ku kwamauna kabeela komwe ako ka cinkwa, a kusanina bantu bali zyuulu zyosanwe kuzwa kuli nkako; a kubwezelela tufwefwelenga twa kazuzya zisuwo zili ciloba zya tufwefwelenga twa kasyala, alimwi bantubonse okuya ba kaba a ii—ii—ii kukkuta cinkwa kumaninide.

<sup>61</sup> Wa kabweza inswi a kukwamuna inswi eyo. Lino kuti na twa mvwisya kuti Wa kalenga inswi eyo kumatalikilo. Wa kalenga cinkwa eco kumatalikilo. Pele Wa kabweza inswi eyo a ku kwamuna inswi eyo. Ii inswi ipona mbo yakabede, alimwi mpawo yakajikwa na—na ikangidwe; alimwi kufumbwa Nca kakwamuna, kufumbwa mbo cakabede (yakajikidwe na yakakangidwe), yaka jokoloka kukomena (ciindi nciconya Na kai kwamuna) inswi imbi yakajikidwe na yakakangidwe. Sa eco tacili cibotu? Eco caka tondezya kuti Ta kalela kuba Jehova. Elyo mpawo Wa kali Cilenga wakali kukonzya kubweza bulenge Bwakwe Mwini, alimwi ku bulenge Bwakwe, katondezya Obo Mbwa kabede. Aleluya! Eco caka tondezya kuti Wa kali obo Mbwa kabede. Wa kali Buleza. Aboobo, ngolida yakali kweelela kuli Nguwe, mu kuntuula ku kuzyalwa Kwakwe. Wa kali Buleza bwakaba mubili.

<sup>62</sup> Inga ndalokezya cimwi—. Taakwe beenzu akati kesu sunumasiku, Nda yeeyela, aboobo... mu kuswaangana oku kwa mipailo. Pele anda ambe cintucimwi. Sena Jesu, cindi Naa kali waano,...? Lino, eci nca kuyeeya, kutali ku... ambweni... kuvwentaufauzya mubwini. Amubone, ku kuyeeya buyo, Jesu wakati, mu Musalali Johane 14:12, “Oyo usyoma Ndime, milimo

eyo Nje cita uyo icita awalo alimwi mipati kwiinda yeeyi uyo icita, nkambo Ndiya kuli Taata Wangu." Sena mwamvwisya obo? Amubone, lino, oyo wakali Mwana wa Leza kasyomezya ku musyomi, kuti zintu zipati kwiinda Nzya akacita, (mu mazuba aya aakumamanino) kuti musyomi uyo cita zintu zipati kwiinda Nzya akacita. Musalali Johane, cipati 14, kampango ka 12. Sena mbo mbubo? Sa mula syoma kuti Jesu waka caamba?

<sup>63</sup> Amubone, cindi Jesu naakalenga cinkwa; Wa kabweza kabeela ka cinkwa, a kulenga cinkwa kuzwa ku cinkwa cakaliko kale. Cindi Na kalenga inswi; Wa kabweza inswi yaka saanguna kulengwa kuba inswi, a kubikka inswi imbi kuzwa kuli njyoo. Sena mbo mbubo? Wa kabweza maanzi, ayo mubwini aakali kukonzya kuba waini, a kupanga waini kuzwa kuli ngawo. Sena mbo mbubo? Pele twa ka Mu bona akati kesu, mu mazuba aya aakumamanino, kalenga zintu mpoonya awo, kakutakwe cintu cili coonse kaciimvvi awo! Sena mbo mbubo? Kulenga sikaale awo aatakwe basikaale. Mbubo! Oh, Uci...li Leza. Walo uli mbubonya buyo Buleza asunu mbubonya Mbwa akabede kaindi a lyoonse mbwa kabede, na lyoonse mbwano bede. Ucili Leza, a kuzundikizya myoyo ku cisyoma, "Zintu zipati kwiinda zeezi, yebo...kaatakwe cintu cili coonse caku jata a ku kwamuna kuli ncico. Ko caamba, elyo ciyooba mbubonya."

<sup>64</sup> Amubone lino, tu jana kuti Yakwe...Wa kazibya. I milimo eyo Nja akacita yaka zibya kuti Wa kali Buleza, katondezya kuti Mbwa kabede. Nkambo Wa kati, "Ikuti na Nse citi milimo ya Taata Wangu, mpawo muta Ndi syomi."

<sup>65</sup> Elyo sena inga Munakristo taamba sunu, "Ikuti na Nse citi milimo ya Mufutuli wangu, mu tandi syomi"? Mwabona?

<sup>66</sup> "Mbuli Taata mbwa aka Ndi tuma, mbubonya Nda mutuma." Elyo ikuti na wakacita milimo, milimo yabulenge ya Taata oyo waka Mu tuma, mpawo obo mbulenge...I Kristo (Cilenga) oyo utu tuma, ulacita milimo ya Kristo Cilenga. Mwabona? "Mbuli Taata mbwa aka Ndi tuma, mbubonya Nda mutuma. Elyo ikuti na Nse citi milimo ya Taata Wangu, mu tandi syomi."

<sup>67</sup> Mpawo Munakristo sunu weelede kucita Buumi obo Kristo mbwa akacita na tuli jisi nguzu zya kwaamba kuti, "Ta cili boobo."

<sup>68</sup> Amubone lino, milimo Yakwe yaka Mu lenga...na ku Mu zibya kuba Cilenga. Milimo Yakwe Nja kacita yakalondola bumboni bwa buumi Bwakwe, kuti Wa kali "Cilenga"; taakwe nzila yakuzwa kuli mbubo. Nkikaako, cindi neba katuula cipego ca ngolida, ba kali mu lumvwano cakulondoka a Leza a cipego cabu. Ba ka Mu pa ngolida, eyo yaka Mu zibya kuba Buleza. Lyoonse musyini, musyini wa ngolide...mutwe wa ngolide, wa Mwaami Nebukadinezara. Boonse, nywebo mwabona, ci... lyoonse Buleza bula imininwa ku ngolida.

<sup>69</sup> Lino: *libano*. Tu yanda kumanizya zeezi cakufwambaana. *Libano* nci “tuuzyo ca mulimo kuli Jehova.” Lino, ikuti na muyanda ku lemba Magwalo aya, Levitiko 2:2, a Levetiko 16:6 kusika ku 15. Tu jana kuti ayo nge mabambe aa bupaizi, kubamba cipaizyo kuli Jehova. Cindi naka bamba cipaizyo, ca keelede ku bambwa a kusanganizigwa a libano ya cipaizyo ca zibi, ba ka bweza zintu zyandeene a kucisanganya. Ku cipaizyo cabusu, ku cipaizyo ca kuyumba, libano yaka sanganizigwa. Nkaambo, ca kali ku tambulika kuli Jehova ikuti na cakali nanikidwe a *libano*, yalo yaamba kuti “mulimo kuli Jehova, Leza.” Elyo, lino, tu jana kuti Walo Mbuleza. Elyo baka Mu letela libano, cakali cikozyanyo cakuti Wa kali mulimo kuli Jehova. Jesu Mulanda wa Jehova.

<sup>70</sup> Lino, mu Musalali Matayo 12:15 kusika ku 21, tu jana kuti Wa kali Mulanda wa Jehova, “Amubone Mulanda wangu, muli Nguwe Mwe nkondelwa” (nkabela Mbwa kabede) “alimwi Nda bikka nsana Zyangu ali Nguwe.” Aboobo buumi Bwakwe bwakali nanikidwe a libano, ku mulimo wa Jehova. Ino cakali cipego abo bantu basongo ncoba kapa! Mwabona, ca kali cintucimwi ku... i—i cipego ncoba kapa, cakali cintucimwi ca kuzibya Jesu kuba Mulanda wa Jehova.

<sup>71</sup> Lino ikuti na twa konzya buyo kucita boobo, kuzibya maumi esu. Mwabona, maumi esu kuli zibya mbuli mulanda wa Jehova. Ako nke kaambo libano nco yakaliko, yaka Mu bamba kuba Mulanda wa Jehova.

<sup>72</sup> Lino, *mura*, m-u-r-a-, akali “mafuta aku lufu.” Tula jana mu Musalali Johane, cipati ca 19, kampango 39, kuti kwinka ku—ku mulimo wa dilwe lya Jesu, cindi Mariya abaabo niba kainka, baka tolelela *mura* oyu kuyo Mu nanika anguwo; nkaambo Wa keelede kuba Mulanda wa lufu kuli Jehova. Mwabona? Muntuumwi wa keelede kufwa. Oyo wakali mulimo wa keelede kucitilwa Leza, nkabela taakwe wa keelela kuucita pele Leza Lwakwe. Aboobo, kuleta *mura*—*mura*, kutondezya kuti a Buleza, alimwi a mulimo, kuti awalo Wa kananikwa a *mura*; kutegwa obu Buleza bweelede kubikkwa ku lufu kutegwa kufutulwe umwi utalondokede. Oh, ino ncintu cipati!

<sup>73</sup> I bulenge boonse bwakali sweekede. Twa kazwaa kucilanga langa mu Zinamatizyo zili Ciloba. Mwabona, bulenge boonse bwakali sweekede, zintuzyonse zyakali manide. Zyonse zyakali kuzulilwa kuli Saatani. Wa kaba sikukona kuli njyo alimwi icili yakwe. Ula cita ncobeni. Nke kaambo ncotu lwana a kuba a mapenzi aya oonse. Ule endelezya mami oonse; Saatani ulacita. Mfulumende zyonse, bami boonse, bwami boonse, zyendelezegwa aa Saatani. I nyika yoonse yee ndelezegwa a kusololelwaa aa Saatani. Nke kaambo kaako nce tuli a mapenzi ayo nge tu jisi. Kufumbwa sicikolo wa Bbaibbele, na uli oonse, inga wa kwaambila kuti Saatani...Ee, Bbaibbele Lwalyo lyakati wa kacita, mwabona, kuti uleendelezya nyika.

Pele Kristo uyooba Sikukona kuli njiyo, nkambo kwalino Ngu Munununi wesu. Elyo Wa kaboola kuzoonununa bulenge boonse, alimwi taakwe cakali kukonzya kucicita cita Leza Mwini.

<sup>74</sup> Nke kaambo kuteeti Leza taakwe cintu ncacita kunze lyamuntu. Lyoonse Ula beleka kwiinda mu muntu nkaambo Wa keelede kubelesya muntu. Ii muntu ngo nguwe Ngwa keelede kubelesya kuzibya bube Bwakwe bwa Mufutuli. Wa keelede kumu panga mu cinkozya Cakwe, kumu panga cintucimwi mbuli Nguwe, a kubikka aaciimo cakulisalila cakucita a ku mulekela kucita nzila ili yoonse nja kali kuyanda kucita. Wa kali kukonzya kuba akulisalila kwakwe. Elyo Wa kalizi kuti muntu, kwiinda kukumupa kulisalila oku, kuti inga uyoowa. Aboobo mukuba kuti Wa keelede kucita booboo, Ula cenguluka a ku bamba muntu kuba mulongwe kuli Nguwe, nkabela taciti cintu cili coonse citakuti Wa cicita kwiinda mu muntu!

<sup>75</sup> I mulimo woonse wa lununuko wa boola kwiinda ku muntu! Aleluya! Lufu lwaka boola kwiinda ku muntu mutaanzi, Buumi bwaka boola kwiinda kuli Adamu wabili. Mwabona? Mboobo we, Ta akwe cintu nca cita nkaambo Wa kacita kubelesya muntu kuli ceeco, mpawo Ube lesya muntu kujosya kunununa. Aboobo Buleza bwakaba Jehova, na, Jehova ba—. Walo Mbuleza, elyo Wa kaba ii—ii Mwana. Wa kaba mu ciimo ca cibi, kuti Ako nzye kunununa sizibi. Mwabona, nceeco cintu coonse.

<sup>76</sup> Lino, amulange eco... obo kubota zipego ezyo mbo zya keelela muli Jesu Kristo; mwabona, ngolida, ikanana Buleza Bwakwe. Lino, tee bakali bahedeni. Ba kali nanikidwe aa Leza. Tee bakali kuyeyela cintucimwi. Eco cila tondezya mpoonya awo, abalo ba Meijai, kuteeti ba kabona Cigambyociinda. Nkaambo cipego cabu cini, eco nco baka tuula, cakazibya a kwaamba kabotu ku bumboni bwabo kuti ba kabona Mumuni wa Cigambyociinda. Mu kaambonzi? Cila kanana cakulondoka. Ba kaleta *ngolida*, “Buleza.” Ba kaleta *libano*, “mulimo.” Alimwi ba kaleta *mura*, wa “lufu” Lwakwe, cindi Na akali Muvwanda, ameni, kutondezya kuti Buleza buyo bikkwa ku lufu mu mubili, ameni, kutegwa kunununwe muntu wakawide. Mbobuti bantu mbo bakonzya kukaka eco?

<sup>77</sup> Cindi mwa mvwisya: Ncinzi nco tu cita okuno? Nkokuli nko twa kazwida? Na ni mpindu nzi njo tu jisi mukuba kokuno? Tii twa kabikkwa buyo okuno mu kubbutukizya pe, twa kabikkwa okuno ku makanze alimwi tweelede kubelekela makanze ayo. Pele nekubaboobo twa jokela mbaakan yakulisalila cakucita awo mpo tukonzya ku Li belekela na ku Li kaka, mbubonya mbuli Adamu mbwa kacita kumatalikilo.

<sup>78</sup> Ndi langa, aba basimbi baniini awa, Mukwesu... Ncinzi...? Ndi syoma kuti mulindu muubauba walizya piyano, elyo Nda—Nda liku baswiilizya mbuli mbobali kwiimba. Twali kukanana kujatikizya mbabo, aa mugwagwa kutala okuno. Kuli mukwasyi

muniini oyo wakatuula buumi bwawo boonse a zintuzyonse kuli Kristo. Amulange ku mukwasyi oyo, obo mbou lilemeka kabotu. Amulange abo basimbi baniini. Ba liimvwi okuno, i—i mukozyanyo wa bwanakazi bukibusyi, wa bwana. Elyo tacikwe makani . . .

<sup>79</sup> Ii mvwiki zisyoonto zyainda Nda kali kumusanza mukati mbuli . . . Ta ndizi na ndi zina nzi lya busena kumusanza okuya, mu New York lino, oko nko bajisi mulongo wa mayake bakibusyi basukamina zipya. Lino, balo basimbi kumusanza okuya kaba—kaba samide tukobela tujata maningi twakuzyanya alimwi—alimwi taakwe cintu pele kamwi ka tooto tubingile twa kale, mbuli mboba twiita, atala lya ceeco. Elyo, oh, buyo cidyob—. . . Bala cita kufumbwa cintu eco cili mu mizeezeo yabo, takukwe makani mbo cibede, nke kaambo—kaambo nco tuli tubingile. Bala konzya buya kucita kufumbwa cintu. Ikuti na bayanda kulala ansi, kaatakwe kubuka, balalala buyo aansi akuta buka. Ikuti na bayanda kuunka, ku cita cintu cimwi, bala cicita; ikuti na taba citi, taba citi. Buyo, mizeezeo yabo ka yeenda buyo! Elyo ino mizeezeo itasandukide isika kuli? To jisi nguzu zya kucita boobo, nkaambo to lyeendelezyi omwini; wakaulwa a Buleza, Jesu Kristo, Mwana wa Leza oyo wakaba mubili. Pele, mwabona, cidyobedyobe ca cibi!

<sup>80</sup> Elyo wa bona basimbi, baniini bakibusyi mbuli boobo kaba yutukide; baa, kuli ndime, walo mumuni mu ciindi ca mudima. Mumuni upasauka mu mincali minji, wa muluso wa zikizaki iwa Leza, mu milengalenga ku tondezya kuti kula konzya kuba Mumuni! Kula konzya kuba bululami akati ka cibi!

<sup>81</sup> Mariya, banyina Jesu, mu munzi wa Nazareta, munzi uubaukide maningi wakali mu cisi, pele kuzwa kokuya Leza wakasala mulindu muubauba ku kuzyala Mwana Wakwe; cikumbilo, ida elyo lya keelede ku . . . ii Muvwanda mwa kazyalilwamo. Wa kabweza muntu uli boobo kucicita. Leza ubeleka kwiinda mu muntunsi ku kunununa bantunsi. Ula konzya kukubweza, kubeleka kwiinda muli nduwe kunununa bantu muli koonse, ikuti na uyo lisalazya cakumaninina zintuzyoonse mbobede.

<sup>82</sup> Ikuti na uli mwanakazi muniini, kotuula milao yako yakulilemeka kwako. Uli mwaalumi mukibusyi, kotuula milao yako yakulilemeka kwako, kotuula mizeezeo yako, kotuula kuyeyya kwako, kotuula moyo wako, kotuula buntu bwako, kotuula koonse mbobede! Elyo lekela Kristo abeleke kwiinda muli eco. Ino ncintu cabulemu! Sa ujisi milonga yakulanduka, ujisi i—i zizabukilo zya kulanduka, ujisi i—ujisi zibbuwa zya maamvwa, ujisi ziteo zisyankene, ujisi masaka, ujisi masena asiya mbi, ujisi zilundu zilamfu, ujisi kutanta kulamfu. Ncinzi nco cita? Buzubabumwi uyo elela kwiima a kucebuka, kubona oko nkokazwida, elyo uyo betekwa kwiinda ku nzila njo sala. Bikka zyako—zyako zyoonse, mizeezeo yako a miyeeyo yako,

kuli eyo Nyenyeezi ya Kunyiika (mbaakan ya Leza) alimwi utaputi kuzwa kuli Njiyo. Kokkala a Njiyo ncobeni. Iyo kuleta cigaminina mbuli Mboya kacita ba Meijai, nkoonya kugama kuli Kristo.

<sup>83</sup> Yaa, ka Mu nanika a mura. Tu jana kuti lino, muli Johane 12:1 a 7, mbo mbubo ncobeni eco Nca kacita. Wa kali Mulanda ulondokede iwa Leza, alimwi baka Mu nanikide kubelesya zipego Zyakwe zyoonse zya Buleza. Wa ka nanikidwe a zipego zya Leza zyoonse nkambo Wa kali Leza. Wa kali Leza. Mwabona, *ba ka Muletela zipego.*

<sup>84</sup> Lino, tu yooba... Nda lombozya... I bantu okuno lyoonse, bunji bwabo, nywebo mulizi, bala mutumina cintucimwi. Lino, cindi ca jokela ku kutumina kujosya, Nse kakonzya ku cicita. Mwabona? Nku inyika yoonse. Nse kakonzya ku cicita. Elyo Nda lumba zisyoonto... zintu zisyoonto, a zintu ezyo bantu nzo bacita kulitondezya lwabo a kulumba kwabo azimwi zimbi.

<sup>85</sup> Lino, eci ncencico bavubi ncoba kacita. Aba bantu mba Meijai, ba kaula ngolida, ngolida injoloma. Ba kaleta libano, mbotu kwiinda njo bakali kukonzya kujana. Ba kaleta mura, mbotu kwiinda njoba kali kukonzya kujana.

<sup>86</sup> Tula mvwisya awa, mu Musalali Johane 12, tu jana kuti oyu mwanakazi... ikuti nitwali jisi ciindi caku cibala, pele Nse yandi kumukkazika kwaciindi cilamfu, mwabona, nkaambo Ndi lizi junza Muvulo, elyo nywebo... bamwi banu mweelede kuya kukubeleka. Amulange, ba kaleta... Oyu—oyu mwanakazi wakaleta mura eyi, eyo yakananikwa acintucimwi cidula, ku gusya kununka kwa lufu. Elyo waa kapapula kabbokesi aka ka alabbasita a kwaatila atala lya mutwe wa Jesu. Elyo Judasi wakati, “Baa, eyi yali kweelede kupegwa ku bacete.” (Kati, “Kutali kuti wa kajisi lweetelelo ku bacete pe, pele wa kali mubbi kuzwa kumatalikilo, wa kali kuyumuna mali.”) Elyo kati, “Eyi yeelede kusambalwa, mucibaka ca kwiibikka...”

<sup>87</sup> Elyo Jesu wakati, “Amu muleke alikke! Nkambo waa cita eci...” Waa ka Mu nanika, ku kuzikkwa Kwakwe. Mwabona? Oyu mwanakazi, kulumba loko cakuti zibi zyakwe zyakajatilwa kusikila waa kabelesya mali akwe oonse nga kajisi, a kubweza kabbokesi ka alabbasita a kukapapula a kutila mafuta a kununkilizya kaanda ku bweema bubotu bwa mura eyi, eyo njaka Mu nanika nkambo ka lufu Lwakwe. Lino, mwabona, waa kacita mulimo katazi eco nca kali kucita, pele waa kalumba loko kuli Leza.

<sup>88</sup> Elyo ikuti na uli lumbide loko nkambo ka Krisimasi, takuli kwaamba kuti, “Nda—Nda pa bana Jones cipego; alimwi bala ndijosezya comwe, Njo bona eco Nce nojisi cifumo.” Nkaambonzi tojuli moyo wako a kubona eco cili mukati omuya, ziba eco nco jisi mukati *omu*. Elyo tambula... ikuti na taakwe nco ujisi, a tuyanza buyo tubyaabi a—a—a mapakasyo

amu inyika, nkaambonzi tolombi Kristo kuuzuzya sunumasiku? Sunumasiku, kutegwa ukonzye kujana bupanduluzi bwini bwa Krisimasi. Ngu—ngu Kristo muli nduwe; Leza, kakkala mu moyo wa buntu. Obo mbombubo Krisimasi iini nco yaamba.

<sup>89</sup> Pele, nywebo mwabona, mazuba ano twa basituncimwa maningi. Ngu dyabulosi utwiinzya omuya, (kuli tusamu tupentedwe twa maswiiti, alimwi ii—alimwi e munyama doe alimwi ii—alimwi e muntu wa malezu aku mulomo, a nzinini muuwo moonse mbuli ndeke, a kuswaya inyika yoonse a muunzi oonse a cikama ciniini ca matoyi cibbedwe, a kuswaya mwana aumwi) kakuli nca—nca bubeji buyo! Cili buyo, mubwini, bubeji. Mwabona? Lino, mwabona? Pele nkaambozi? I dyabulosi wa kacita ceeco kutegwa apilinganye mizeezo ya bantu.

<sup>90</sup> I inyika ya makwebo yaka njila muli njijo alimwi bala... Baa, bapanga kunji kwiinda mu ciindi ca Krisimasi kusikila bala konzya kutandila kuleka kubeleka, mwaka oonse. Nda kaambaula kuli simakwebo buzuba bumwi, wa kati, "Ko ndipa mvwiki ezi zyobilo, elyo ikuti na Nse kakonzya kubamba bantu bangu okuno," kati, "Inga ndalindila kusikila Krisimasi utobel; inga Nda unka ku kuzela inswi, kufumbwa Nce yanda kucita, kusikila Krisimasi utobel." Wa kati, "Pele Nda cita balombe kuyabuya." Kati, "Kuba bamba buyo okuno kweelede buyo kubamba makwebo angu kaajukide alimwi ci bamba—ci bamba maanza angu kazwidilila mukuzyala micelo mibotu a zintu." Kati, "Taakwe nce panga kusikila—kusikila ciindi ca Krisimasi casika." Nywebo mwabona, iba cintu cipati campindu kakuli yeelede kuba ya kukomba; ku komba.

<sup>91</sup> Lino, Leza, wakananika loko Jesu a buzule Bwakwe cakuti i... Wa kali Cipego ca Leza ku inyika. Ca kuti bantu basongo bakatondezegwa caantangalala, kuti bakali kupa cipego cabo kuli Nguwe; katondezya kuti mu moyo wabo ba kalizi obo Mbwa kabede, a ceeco Nca kali kuyo bacitila. Aboobo (ta cigambyi) cintu citaanzi ncoba kacita, baka fugama ansi, cakulondoka mu maccililanwa, a ku Mu komba. Kabatana akwalo ku cimvwisya, baka fugama ansi a ku Mu komba alimwi mpawo bakapa zipego zyabo. Eyo nje nzila yakuba a Krisimasi wini: ku Mu komba, mpawo kupa cipego cako; kupa mubili wako mbuli cituuzyo cuumi, cisalala a ci tambulika kuli Leza.

<sup>92</sup> Pele nywebo mulizi na, bantu basongo niba kamana kucita ceeco? I wisi a banyina iba Kristo... wisi waku njilila (mubwini) a banyina abalo, nkaambo Leza wakali koonse Ba wisi a banyina. Pele tu jana kuti bakatambula zipego ezi kuzwa ku bantu aba basongo. Ta cigambyi neo bakali kwiiitwa kuti bantu basongo. Ba kali basongo. Ba kali ncobeni... kajisi busongo. Ikuti na bantu sunu bakonzya buyo kuba basongo mbuli boobo, mbuli basongo buyo! Citola muntu musongo kuboola kuli Kristo. Ii muntu oyo utija kuzwa kuli Nguwe tali muntu musongo. Pele citola muntu musongo, kuboola kuli Kristo.

<sup>93</sup> Lino amubone! Elyo mpawo bantu basongo niba kamana ku Mu ziba obo Mbwa kali kuyooba, alimwi tula jana kwiinda mu Lugwalo kuti obo mbombubo nconzyo Mbwa kabede: Buleza mu mulimo wa lufu. Wa nzi? Buleza mu mulimo kuli Leza wa lufu. Jesu wakali Buleza mu mulimo wa lufu, kunununa inyika. Pele ino inyika yaka citaanzi kuli Mbubo? Ba ka Bu kaka. Baka Bu futatila. Nkaambonzi? Bamwi babo, cibeela cipati ca mbabo, kacita obo nkaambo eci: nkaambo Wa kacita kufwa! Ba kati, “Ta kali kukonzya kuba Buleza akukonzya kufwa.” I Muntu (mubili) tii wakali Buleza, pele Buleza bwakali mu mubili. Oyu mubili weeledé kuloba. I Kristo nguwenya oyo uli muli nduwe nce cintu luzutu eco cikonzya ku kubusya. Obo Mbuleza, Leza muli nduwe.

<sup>94</sup> Lino, amubone! Lino, mbubonya mbuli lino, bala kaka Buleza bwakalizibya. Sa mula cimvwa? Masimpe bayo bikka mazina abo mu bbuku lya mbungano a kwaamba, “Ndiyo sola kuponena ku kansiyansiya aka.” Bayo bweza cikonke kwiinda kuli ceeci. Pele cindi casika ku kuzumina Buleza, akutondezya kujosya musyobo nguwenya wa cipego mbuli mbo ba kacita . . . kuti ula lizibya kwiinda ku cipego cako, kuti wapa bupange bwako boonse kuli Mbubo, ku Buleza bwa kalizibya. Mpawo ula lizibya omwini ku Buleza, kwiinda kukupa koonse mbobede, obo mbobede, ku Buleza Mwini.

<sup>95</sup> Lino, Kristo mu buzuba obuno, obo mbo tu ponamo lino, ucili Bule- . . . kalizibya Mwini: Buleza, akati ka bantu. Ucili Buleza, nkaambo Walo ndi Ijwi. Elyo cindi twa bona Ijwi kupona Lini, mpawo tula ziba kuti muntu takonzyi kucita ceeco. Bwalo Mbuleza, Ijwi kali yubululwa kwiinda ku muntu. Elyo Jesu Mwini wakati, “I Mwana takonzyi kucita cintu muli Lwakwe. Nse konzyi kucita cintu, Ndili Muntu,” Jesu wakaamba. “Pele Taata Wangu oyo ukkala muli Ndime, Ula Ndi tondezya zintu zyoonse ezyo nzya cita Mwini.” Amen! Mpaawo we! Ino ncinzi? Buleza kabu lizibya mu muntu. Lino, ncintu nciconya mbo cibede sunu; obo Buleza, Ijwi lyaka syomezegwa ku buzuba obuno, lakonzya kulizibya Lini muli nduwe. Amen! Mpawo kopa koonse kwako kuli Ndilyo. Tondezya kuti ula syoma muli Ndilyo. Ko Lipa Buleza: ko Li syoma, mulimo, alimwi libambilé kufwa kuli lwako a miyeyeo yako ini. Pele sunu Li likakidwe mbuli Mbo lyakabede kaindi.

<sup>96</sup> Amubone, Leza wakasololela ba Meijai a zipego zyabo. Kwa myaka yobilo mu kasimpe, ba katobela Nyenyeesi eyo. Mwabona? Elyo eco citondezya kuti Tii cakali kukonzya kuba cimwi ca zintu zyabulenge zya kacitika. Mwabona? Nkaambo ikuti na inyenyeesi, kazikosola tuzila twazyo, nizyaka kosola, nicaka tondezya kuti kwakali cintucimwi candeene. Nkaambo . . . citakuti ba Meijai abo baka Ibona, kwaciindi cilamfu kacitana citika, elyo bakuziba kuti ba keeledge kukosola nzila eyo; mwabona, mu tukondo mobakali kubookele. Elyo ba

kakosola buyo ku Betelehemu ku ciindi eco, katalikila kuzwa kutala okuya, ciindi kacitana, mukuziba kuti ezi zyakali zintu zyakujulu zyakali kweendela munzila eyo.

<sup>97</sup> Lino, Leza wakasololela ba Mejaii nkaambo baka jisi zipego zyeede. Leza wakasololela bantu aba basongo nkaambo baka jisi cipego ceelede cakalizibya ku kuzibya Mwana Wakwe. Oooooh, ma! Sa mwa cimvwa? Bantu basongo sunu, amubuke mu Zina lya Mwami, kutali a cintucimwi cakuyeeyela buyo, pele a cipego eco Leza nea kasyomezya ca buzuba obuno, elyo Leza uyo musololela kuziba kuti Jesu Kristo ngu mbobuca nguwenya, sunu, amuya myaaka. Mpawo we: bantu basongo!

<sup>98</sup> Leza wakasololela zipego ezyo nkaambo zyakali zipego zya ku Mu zibya. Bantu basongo, sunu, abo bakonzya kucenguluka kuzwa kuli zya busimbungano a zintu zyoonse zya inyika, kuya ku Ijwi lya Leza Lyuumi! Elyo Leza uyo zibya Mwana Wakwe kwiinda ku Ijwi Lyakwe, nkaambo Obo mbombubo Mbwa bede. “Mebo a Taata Wangu tuli omwe.” Elyo, “Ku matalikilo kwakali Ijwi, nkabela Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mu mibili a kukkala akati kesu.” Elyo Ijwi ndilyonya sunu, Ngu mbobuca nguwenya, sunu, amuya myaaka. Elyo mutu musongo utobel Ndilyo, nkaambo eco Nce ncico Leza nea mamela ku kulizibya Mwini kwiinda kuli Ndilyo. Amen! Ii cipego! Ii cipego cini, cakalizibya ica Leza, Leza ula citondezya kwiinda mu zintuzyonse mbuli boobo, kubelesya kulizibya Mwini.

<sup>99</sup> Elyo eyo nje nzila Kristo mbwa kalizibya: kwiinda ku ngolida, mura, a libano, kwiinda ku bantu abo kabazibya kumbele a kutondezya mu cikozyanyo obo buumi Bwakwe mbo bwa keelede kuyooba. Mwabona? Buleza bwayubululwa ku mulimo, kufwa kutegwa Anu nune cisi, nkaambo Wa kali sikuyo “futula bantu Bakwe kuzwa ku cibi cab.” Kutali kufutula inyika, kufutula bantu Bakwe kuzwa ku cibi cab. I Bbaibbele lyakati awa, “Nkambo mu—mu Zina Lyakwe Bamasi mobayo syoma.” Mwabona? I Bamasi bayo syoma mu Zina Lyakwe. Amen! Mu majwi amwi, Nabwiinga, *bakaitwa kuzwa* kuli Bamasi, bano syoma mu Zina lya Jesu Kristo, “Mu Zina Lyakwe Bamasi mobayo syoma.” Lino, Leza wakasololela, nkambo ba kali... zipego nzyo bakali kupa, zyakali kweelela ku ciindi.

<sup>100</sup> Amubone! Mbuli Mbwe amba, Leza ujisi... Wa—Wa kaabaula Ijwi Lyakwe kumatalikilo, mu Matalikilo. Nda konzya kubweza Matalikilo a ku mutondezya bukkalo abumwi mu Bbaibbele, kuselemukila awa ku bukkalo obuno. Tukamu toonse twa nguzuuzu a zintu nzo tu jisi sunu, Nda konzya kumutondezya necozyo awo mpo zyakabede mu Matalikilo. Mwabona?

<sup>101</sup> Leza wakapa Ijwi Lyakwe kunji boobu *awa*, kunji boobu *awa*, kunji boobu *awa*, ku bukkalo abumwi. Elyo mpawo

Wa katuma musinsimi ansi, waka nanikidwe kubamba Ijwi elyo kuboola kucitika, alimwi cigwasya umwi umbi oyo wakali kuboola. Mwabona, mbuli Mesiya, lyoonse kaimininwa. Musinsimi aumwi mu buumi bwakwe mwini, bupange bwakwe mwini, i Ijwi elyo lyakapegwa ku buzuba obo, wa kaboola a kuzulizya Ijwi eelyo lyakalembwa a kwaamba kumbele obo umwi umbi mbwakali kuyooba. Elyo umwi aumwi wabo wakaamba Nguwe (ameni) nkaambo Wa kali buzule, Wa kali Mutwe wa basinsimi, Wa kali Ijwi lya Leza, Wa kali basinsimi. Ameni! Mboobo Mbawabede. Amubone! Obo kubota Mbwa kabede: umwi aumwi wa basinsimi abo.

<sup>102</sup> Mpawo cindi Na kaboola, Wa kali buzule bwa basinsimi boonse, ba kayubululwa; nkaambo bakali Ijwi lya Mwami, alimwi Wa kati Mwini, “Ikuti na mwiita abo kuti tuleza, abo Ijwi lya Leza nkolya kasikila, mbobuti mbo mukonzya ku Ndi pa mulandu cindi Nda amba kuti ‘Ndili Mwana wa Leza?’” Mwabona, nekuba abo mu bukkalo obo ba kazibwa mbuli tuleza, Leza wa kabaita, Mwini, kuti “tuleza.” Ino bakali nzi? Ba kali kuyubululwa kwa Ijwi Lyakwe. Elyo ngooyu Mbwa kabede, buzule bwa Ijwi, Buleza bwabube bwaimininwa, Buleza bwa kayubululwa mu mubili.

<sup>103</sup> Amulangilile! Ku zipego ezi, ezyo bantu aba nzoba kaleta, niba atakonzya kuleta ezyo ku musinsimi. Nica ta kalulama. Mwabona? Zipego ezyo nizya takaunka kuli Eliya, nizya takaunka kuli Musa, zya keelede kuboola kuli Nguwe. Elyo mukuba kuti ezyo zipego zyakali kwaamba cigaminina ku buzuba obo, alimwi zyakali zya kuzibya Obo Mbwa kabede kwiinda kuzipego ezi, mpawo mpaawa kwakaboola Leza a ku Mu kwabilila. Aku babamba, myaka yobilo kumusanza okuya, kusikila ba kajana Mumuni Ulondokede. Obo mboceelela!

<sup>104</sup> Cintu nciconya asunu. Tuli jisi bantu abo basyomeka buyo, bantu babotu, bantu beni. Pele, nywebo mwabona, muli ceeco, kuyooba cintucimwi ciyo boola, eco Leza nca cita lyoonse, ku zibya buzuba obuno. Obu mbo buzuba cindi zintu ezi nizya kaambwa ku citika. Taku kabi banji, buyo basyoonto, loko loko abo bayo futulwa. I Bbaibbele lyakaamba obo. Kuyooba buyo bace.

<sup>105</sup> Jesu wakaamba Mwini, “Mbuli mbo kwakabede mu mazuba akwa Nowa, omo mwalo bantu bali lusele moba kafutulwa.” Bantu bali lusele, kuzwa mu—mu nzyalani yaka kozyanisigwa kuli boobu. “Mbuli mbo kwakabede mu mazuba akwa Nowa.” Ino cakali cinzi? Bantu, balemu bayiide kabotu, basimilimo balemu, basikuyaka balemu, zintuzyonse zilemu mbuli nzoba kajisi. Kapanga lusumpuko olu mbubonya mbuli njiyo, zintu zilemu ezyo nzoba kajisi. “Elyo mbuli mbo kwakabede mu mazuba akwa Nowa, mbubonya mbo kuyooba mu kuboola kwa Mwana wa Muntu.” Mwabona? Elyo Leza wa kajisi Nowa kuzibya Ijwi Lyakwe lyaka syomezegwa. Lya kali kweelela

maningi. I bwaato bwakali kweelela ku Ijwi lya Leza eelyo ndya kaamba, kuti Wa kali kuyo nyonyoona muntu. Pele wa kafutula eco nca kakonzya.

<sup>106</sup> Lino, aba bantu basongo, kabaleta zipego zyabo, bakazibya. Zipego zyabo zyakazibya obo mbo Ca kabede, elyo nke kaambo Leza nca kakwabilila zipego ezyo kwiinda mu bweende boonse mboba kabamba. Wa ka Ci kwabilila kusikila ba kasika a zipego ezyo, nkaambo zyakali kweelela ku ciindi. Sa mbungano yangu ilamvwisya eco? Nce ncico cicitika lino! Nda syoma tii ca mwiindilila mu kumvwisya kwanu. Nda caamba mu kalabi, kutandila, nywebo mwabona. Pele sena nywebo mwabona? Nzintu ezyo zicitika nze zili mu kweelela ku buzuba obuno, Laodikeya. Nciindi ca kweelela, nke kaambo Leza ncaka Ci kwabilila. Mwabona, ka Ci leta ncobeni moonse ku kulizibya Mwini. Zipego, nekubakuti caka tolela kuba a lufu, cibikka cilebyo mu nzila yabo. Nciindi ca kweelela, mbo mbubo, kweelela ku buzuba. Nke kaambo Leza ncaka Ci kwabilila, nzila Mbwa ka cita. Uyo Ci kwabilila, kusikila bukanze Bwakwe bukabelekwe.

<sup>107</sup> Oh, Nda kabala kaano, kasika ku mizeezo yangu kutali ciindi cilamfu cainda, ka cintucimwi ku maccililanwa ayo. Nikwakali dolopo pati, omuno mu cisi eci, elyo... New York. Elyo kwakali kulinda kwa Krisimasi. Elyo kwakali mukwasyi mucete. Ii taata muubauba wakale, waka jisi TB, alimwi wa kali... a mukaintu wakwe wa kajisi TB. Tii bakali jisilidi kabotu. Elyo wa-wali kubaanga... Wa kali mukompami nkikaako taakwe muntu wakali kukonzya ku mupa mulimo wakuvoleta. Ta kajisi lwiyo, alimwi wa-wa... bantu tii bakali kumuyanda.

<sup>108</sup> Wa kali buyo mutande, wa kaba mukumbizi. Buyo... nywebo mulizi obo mukumbizi mbwabede, kuleya buyo a—a kubwezelela cintucimwi, a ku cisambala kuli koonse akujana nco konzya; mali ajanwa atala ngo panga ali ncico, basola kuponenawo. Buyo ii...mbuli kaponya na cintucimwi, a mugwagwa; kuunka kuula tupini tumwi a nyeleti a cakuli kwabilizya wanosuma, a kufumbwa ncoba konzya. Elyo—elyo ku cibweza, elyo—elyo ambweni kuula ku sheleni cikama, alimwi kuzisambala ku maseenti osanwe; aku panga maseenti one aa cikama, elyo ambweni mukumana kwa buzuba. Nywebo mwati, “Ayo—ayo mali manji aatala.” Pele amuyeyeye buyo, koonse nkawakali kunga wasambala mu buzuba. Ambweni kupanga maseenti ali makumi obilo, makumi otatwe buzuba bomwe, nkabela wa kajisi mukwasyi.

<sup>109</sup> Elyo i—i mukaintu muubauba, mukuba mukompami, waa—waa kafwa.

<sup>110</sup> Elyo kwakali kuboola ciindi ca Krisimasi. Elyo musimbi muniini, waa kaba...kuzwa kubulwazi bwa nzala, kubula cakulya ceelede a cintu; waa kayambukilwa TB, awalo. Elyo waa

kali muntu muniini, alimwi katandila myaka ili lusele, fuka, kkumi, yakukomena. Elyo taakwe naka jisi cidooli ca Krisimasi. Elyo nce ncico ncakali kuyanda ku cipego, cakali cidooli.

<sup>111</sup> Elyo bawisi, kutakonzya kumu bikkila maanu akusilikwa azimwi zimbi, kajisi... wa—wa kabona musimbi muniini wakali kuya bufwamba, elyo wa kasola koonse nkawakali kukonzya ku—ku—ku bikka mali manji antoomwe kuti amuuilile cidooli ca Krisimasi; ikuti na wakali kukonzya kujana mali akonzya ncobeni ku muulila cidooli ciniini! Elyo aboobo ciindi ca Krisimasi cakali kuya buswena, bube bubi bwaciindi bwakaba, musimbi muniini waka njilwa kubaanga nkamano, elyo—elyo waa kafwa, mvviki zisyoonto buyo kakutanaba Krisimasi. Elyo bawisi, mubwini, a moyo utsyokede, ba kaunka ku kagabba kabo kaniini a kugusya mali. Elyo wa kayeeya kujatikizya musimbi wakwe muniini, alimwi waa kali kuyanda ii—ii cidooli mbuli basimbi baniini. Mwabona, walo mutumbu muniini uya buzwidilila.

<sup>112</sup> Mula bona obo musimbi muniini, mbwa unka ku cidooli, nkaambo waa...mbupange bwakwe, walo ii—walo uyabuba mutumbu. Uyo oba mutumbu bumwibuzuba ikuti na kapona a zintuzyonse. Nywebo mulizi, bupange bwakwe. Ako nke kaambo musimbi muniini nca yandisa cidooli ciniini, uyanda ku cimamelia; nkaambo akwalo, walo—walo muniini, mubumwi, ii—ii—ii mutumbu muniini.

<sup>113</sup> Elyo waa kali kuyanda cidooli ciniini, alimwi taakwe nakajisi neciba comwe. Elyo Taata wakali yobwede zintuzyonse nzya kakonzya ku—ku muulila cidooli ciniini. Elyo, aboobo, waa kafwa.

<sup>114</sup> Elyo bawisi mukubaanga nku ziluka kwa mizeeo. Mukaintu wakwe wakatolwa, musimbi wakwe muniini, elyo mizeeo yakwe kubaanga nkuya kubusena kusikila wa—wa...nekubaboo wakali kunga—wakali kunga waunka ku bulo busiku boonse a kwaambaula ku musimbi oyu muniini, nekubakuti waa kali...zikkidwe. Pele wakali kuyeyya kuti wa kali—wa kali kwaambaula kuli nguwe, a kumwaambil, “Lino, Omuyandwa, tacika toli ciindi cilamfu, elyo Taata uyo kuulila cidooli eci ca Krisimasi. Elyo—elyo Taata waka kusyomezya cidooli, elyo Ndi—Ndiyo—Ndiyo cuula.”

<sup>115</sup> Kumalekelo, Krisimasi yakasika. Elyo, mubwini, nywebo mulizi obo mbo ibede. I bavubi bakali jisi mapobwe abo—abo mapati; a—a nkandela kaziyaka, a milalilo milemu mu mambungano, a kwaambaula zya Jesu alimwi—alimwi azimwi zimbi (mambungano mbwakabede), a kwiinda mu misyobo ya matobelanwa aa mugalilo, a kwiimba, a nyimbo zyakrisimasi a zintuzyonse. Nkusyoonto nkobakazi oko kwakali kucitika mu kazila kamanikide, kunze kwa ceeci coonse.

<sup>116</sup> Oyu mulombwana muniini kaindi kuya, nkabela wa kanyongana mwini. Wa kali kuyanda maningi kuti ulya musimbi muniini abe a cidooli eco, nkambo waa kalomba maningi kuba a cidooli eci ciniini. Aboobo wa kaunka akuyo muulila cidooli ciniini catusani, cintu ciniini—ciniini, ambweni kutandila maseenti ali makumi otatwe; cintucimwi ciniini catombe nca kaula, kunselelo kwa lubazu lwa kagwagwa. Elyo bwakali busiku butontola loko, i—i—i maguwoacaanda kaungisya, icaanda kaciwa aanguzu awo; alimwi New York, mpoonya aa nkomwe.

<sup>117</sup> Elyo tugwagwa katuzula; alimwi bantu mu myootokala yabo mibotu, mipati ncobeni iidula. Elyo mapobwe aakukolwa, kuya kabanywa, kusekelela kuzyalwa kwa Kristo mu zintu ezi nzo tu kanana sunumasiku, kusola kuyeeya kuti eyo yakali nzila iluleme yaku cicita; kunywa buyo nkaambo ka buusu bwabo bwakaindi a zintu, a kuti—kuti eyo nje nzila yaku cicita. Boonse babo...

<sup>118</sup> Nkeimvwi mu cintoolo, buzuba bumwi, elyo mwanakazi kaambaula makani aceeco... basimbi bobilo bakaswaangana alimwi bakali kuyanda kuziba eco nco bakafulila bawisi babo. Elyo umwi wabo wakati, “Ee, wa...” Waa kabaulila kabbokesi ka musyobo umwi wa misanga yatombwe. Elyo umwi umbi wa kati waa kabaulila mbali ya whisiki yasanu alimwi ii—alimwi ii—alimwi ii cikungo ca makkaadi. Lino ikuti na oko takuli kupa cipego caciibalusyo ca kuzyalwa kwa Mwami Jesu Kristo! Elyo eyo nje nzila mbo ceenda, nywebo mwabona, calo ncikama buyo cipati ca lusakatizyo. Ta cijisi Krisimasi muli ncico pe.

<sup>119</sup> Elyo aboobo lino tula jana, mwaalumi oyu muubauba, waka tuntulika kubusena. Elyo wa kalizi mu moyo wakwe kuti musimbi wakwe muniini wakali fwide, pele wa kaunka a kuyoula cidooli nekubaboo. Elyo wa kayeeya, “Njo talika buyo kweenda, Njo mujana kubusena bumwi. Unooli ambali lyu kagwagwa awa nkabela Njo mujana.” Elyo wa katalika kweenda.

<sup>120</sup> Ta—ta kakonzya kulicenga mwini, ta kajokede omuya mu kaanda katakweankokaya alimwi mu bulo buniini, bugalanke, bwatombe; pele, waa kali zikkidwe. Aboobo, wa—wa kalizi. Wa kali kuyeeya kuti uyo mujana mu kagwagwa. Wa kati, “Njo zumanana buyo kweenda.” Elyo wa kali kuya buselemuka kwiinda mu kazila kamanikide, kuciindi nobakali kwiimba nyimbo zyabo zyakrisimasi akuyabuya. Elyo kuselemuka mu kazila kamanikide, kayumwide cidooli eci, ciniini catombe; kacijisi mu bbaki lyakwe, kusika kumoyo wakwe, kayeeya musimbi wakwe muniini.

<sup>121</sup> Elyo kumalekelo musilikani wakacitika ku mubona, elyo musilikani wakali nywide aniini lwakwe, elyo wa kazuzila mu kazila kamanikide a kukwempa mudaala a ku munyona. Wa kati, “Ino ucita nzi mukwiimaima omuno?”

<sup>122</sup> Wa kati, “Ndi tola cidooli eci ciniini, munene, ku musimbi wangu muniini.”

<sup>123</sup> Wa kati, “Ee, ino ukkala kuli?” Elyo wa kamwaambila oko nkawakali kukkala. Wa kati, “Ee, uya busakana kuzwa kubusena obo, uli koledwe. Kojokela munzila imbi.”

<sup>124</sup> Kati, “Munene, Nse—Nse koledwe. Nda kasyomezya musimbi wangu muniini kuti Njo—Njo muulila cipego ca Krisimasi.” Elyo wakati, “I cipego ceelela ca musimbi muniini ncidooli ciniini.”

<sup>125</sup> Elyo wa kati, “Andi cibone.” Aboobo wa kamutondezya cidooli, ciniini cakali kuboneka kuba a tombe, catusani. Elyo wakali cijisi mu...munsi ku camba cakwe, kajisi cidooli ciniini mbuli mbwa...Aboobo musilikani, kakoledwe anii, lwakwe, kamutonta aanguzu a kutalika kuselemuka. I mudaala kaunka kuselemuka kazila kamanikide, acaanda kaciwide cakufwambaana.

<sup>126</sup> Elyo, ee, mapobwe aakati kamasiku akamana. I cifumo cakatobela, icaanda cakacesya, zuba lyakali pasukide. Elyo aboobo beeled...bantu boonse kuzwa ku mapobwe mapati aaboteleyza akudana bakali...kwaangana kwa meenda aa mitwe yabo, kuzwa kukunywa maningi a kusekelela kwa i—i kwa kuzyalwa kwa Kristo. Elyo—elyo bunji bwabo bakaanga majwi kuzwa kukukwankana, kuzwa kuli zyakali kucitika zyoonse.

<sup>127</sup> Pele kulaale kunselelo mu kazila kamanikide, ba kajana mudaala. Elyo cindi niba kamusandula, wa kajisi cidooli ciniini munsi lya moyo wakwe. Ndi yeeyela kuti wa katola cipego cakwe kuli nguwe. Wa kamujana mu Inyika kutali waano. Wa—wa—wa katola cipego. Ca kali cipego ceelela. (Leza, siluse.) Nekubaboobo cakamatolela lufu lwakwe. Taakwe nzila imbi mu inyika njakali kukonzya ku mupa cipego, waa kali zikkidwe. Pele nzila ilikke biyo njakali kuno konzya kucicita, yakali ya kuunka mbuli boobo. I cidooli ciniini tii cakali ciyandisi loko, Nda yeeyela, eco cidooli ciniini catombe kumeso, pele ca... ncinzi nca kacicita? Ca kazulizya cisyomezyo nca kabambide. Tacikwe makani eco bantu neo ba kayeeya kujatikizya ncico, maanza akwe aatombe aa cidooli, ciniini catombe, pele ca—ca kazulizya cisyomezyo ku musimbi wakwe muniini.

<sup>128</sup> Ziindizimwi balanga a Makanimabotu mbuli kwiimba, kusobana, tii bakali Kwa ayanda cindi Leza na Ka aleta, pele cakazulizya cisyomezyo cakuti Uyo pa Mwana Wakwe. Elyo sa nywebo mulizi cintu? Ba ka Mu siya kuti afwe, awalo, mbuli buyo mukumbizi mu kagwagwa. Mbombubo ncobeni, ba Mu siya kuti afwe mbuli mukumbizi mu kagwagwa. Elyo sunu ba Mu langanya mbuli mukumbizi mu kagwagwa, pele Wa kazulizya eci Nca keelede kucita. Wa kali Cipego eco Leza nca kasyomezya ku inyika.

<sup>129</sup> Sunumasiku, andi Mu bweze mbuli Mufutuli wangu ku moyo *wangu*. Ande ende mu busyu bwa lufu lwangu, na kufumbwa mbo cibede, mbuli booboo. Nda kasyomezya buumi bwangu kuli Nguwe. Ndi yanda kubutola kuli Nguwe. Tacikwe makani oko nco Nde elede kwiinda, ikuti na Nde elede kwiinda mu lufu, ikuti na Nde elede kudubulwa ntobolo; tacikwe makani eco citola busena, Nde elede kusekwa, kwiiitwa kuti “utakkwene,” zintuzyonse, kutandwa kuzwa ku mambungano amwi aa Bunakristo azimwi zimbi, Ndi... ncipego ca Leza eco Nce jisi mu moyo wangu. Wa kacipa, Ndi yanda ku citola kuli Nguwe.

Atu kotamike mitwe yesu kwakaindi buyo kaniini.

<sup>130</sup> Zipego zyeelela Nze kanana, cakali cipego ceelela nkaambo musimbi muniini... waa kali musimbi muniini, kuba, mutumbu muniini (kali nooba), cipego ceelela cakali cidooli ciniini. Ii cipego ceelela eco Leza, Cilenga, konzya kupa ku cilenge Cakwe, wakali Mufutuli kuti acifutule kuzwa mucimo moca kabede. Nda libuzya, sunumasiku, mbuli mbo tu swenena Krisimasi lino, elyo Nda yeeyela uyooba mulumbe wamamanino ngo tu yomvwa akati kalino a Krisimasi, citakuti tu kamvwe mulumbe wa ku redio wa muntu umwi.

<sup>131</sup> Nda libuzya, sunumasiku, ikuti na twa tambula Cipego eco Leza ncaka tu syomezya: Buumi Butamani, ku syoma Kristo a kutambula Muuya Uusalala. Ikuti na tona, inga wayanda kuzumina cipego, ca Leza cini cabwini ca Krisimasi, sa inga watambika janza lyako? Amba, “Mukwesu Branham, Ta-Ta ndizi, Nda ka—Nda ka Ci syoma ziindizimwi. Elyo Nda langilila zintu Nze cita. Elyo Ndi baanga, nkudonaika, aniini.” Muta—muta donaiki limbi, beenzuma.

<sup>132</sup> Mwabona, ciindi cili—cili manide caku donaika lino. Atube masimpe ncobeni a ncico. Amba, “Kondi kombela, Mukwesu Branham, elyo Ndi yanda ku... Cipego ca Leza ku inyika, ngu Jesu Kristo. Ndi—Ndi—Ndi yanda oyu kuba Krisimasi wini. Nda zumina Muuya Uusalala mu moyo wangu. Oyo ukonzya kundi bukata mu maguwo amvula e buumi, alimwi buzubabumwi Njo konzya kunjila mu Busyu Bwakwe antoomwe a cipego eci ca Buumi Butamani. Uyo ndizumina aa mbaakani ezyo, eyo nje nzila ilikke biyo Njayo cicitia.”

<sup>133</sup> Na, sa ujisi cipego ceelede sunumasiku? I musyobo uululeme wa kulanganya? “Taata, Njo Ku ccilila kufumbwa Nkoya. Kufumbwa Ncoyo wamba kuti ‘Cita,’ Njo cicita. Kufumbwa eco Ijwi Lyako ncoli ndaambila ku, ‘Cita,’ Njo cicita. Iiyi, Munene, Nse kwe ndaba eco bantubonse bambi nco baamba, Njo cicita nkaambo Ndi yanda Cipego Cako; bwalo Mbuumi, alimwi Kristo ndi Ijwi.”

<sup>134</sup> Ikuti na to konzyi kusyoma Ijwi lyoonse, a kwaamba, “Ee, Ta ndizi, Ndi—Ndi syoma kuti... eci, Nda syoma eco, pele Nse

konzyi buyo kuunka *boobu*, Nse konzyi kuunka *boobo*.” Uli mbuli bali makumi ali ciloba abo ba kamwaika. Ta bakonzyi kuzumina Ijwi mbolizulwa a kutambula Kristo mu buzule bwa Buleza Bwakwe a mulimo Wakwe; a kulibambilila kufwa mbuli Mbwa kakucitila.

<sup>135</sup> Mpawo sa inga wabikka janza lyako mujulu, a mutwe wako kuukoteme, a kwaamba, “Kondi kombela”? Leza aku longezye. Alimwi Leza aku longezye. Leza aku longezye. Leza aku longezye, musimbi muniini. Oh, Leza aku longezye. Iiyi, Nda bona janza lyako. I Mwami aku longezye, masimpe. Eci Cipego ciniini, ca Kristo, eco Leza nca katuma ku inyika; a ku Ci zibya kwiinda . . . ba Meijai baka Ci zibya, buumi Bwakwe Mwini bwaka Ci zibya, lufu Lwakwe lwaka Ci zibya, bubuke Bwakwe bwaka Ci zibya, kutambula kwako kwa Ci zibya, alimwi Ula lizibya Mwini atoomwe a nduwe kuti uli Wakwe alimwi Ngu wako. Ikuti na toli ncobeni . . . wabona, kuvuwa kwa Muuya wa Leza uubeleka muli nduwe, mu ciindi eci ca Krisimasi, akube kuti uboole kuli nduwe lino.

<sup>136</sup> Taata WakuJulu, mbuli mbo tu dadalika mbuli mukumbizi mu kagwagwa, taakwe muntu wakaba a mpindu a nguwe. I inyika ya zumanana mu kusekelela kwabo kwa bufubafuba, mbubonya mbo babede sunumasiku, Mwami. Pele ziindizimwi tu limvwa mbuli mukumbizi oyo, pele twa zuminna Cipego. Aboobo twa komba, Taata, kuti Uyo tubamba kuba cipego, ca mumuni, ku inyika eyi ili mukufwa. Banji omuno batambika maanza abo kuti bayanda Cipego ca Leza eco Nca keelede ku, Mwini, kupa Mwana Wakwe simuzyalwa alikke, kaseluka ansi, kaba Muntu. Wa kalifiwinya loko cakuti tiiba kakonzya akwalo . . . Wa ka lyuubaula loko a kulibombya loko mane Ta ka—Ta ka jisi nobuba bulo bwaku zyalilwamo. Ii—ii—ii ng’ombe yakacita ku . . . na mbizi na cintucimwi cakapa cilido cayo, kaimina ambali, (munyama) bantunsi bakanjide loko mucimo cakaliko. Wa—Wa boola ansi mu ii—mu ii cilido, cimpati campangala ciniini cakaindi ku lubazu lwa cilundu okuya mu Betelehemu, oko mwana wa sibwaamu nkwa katalisya munzi muniini myaka minji kakutanaba.

<sup>137</sup> Elyo lino, Mwami, tu jana kuti busiku bumwi, busiku butontola, kwa kaambwa kuli Nguwe, “Rabi, tu yanda kuya ku ng’anda a Nduwe sunumasiku.”

<sup>138</sup> Elyo Wa kati, “Ee, lino, bayuni bali jisi ziteente zyabo, a—a bamwaaba bali jisi bulyango, Nse—Nse—Nse jisi ii . . . nobuba busena bwakulazika mutwe Wangu.” Elyo njé nzila njo baka Mu lekela kufwa, mbuli mukumbizi mu kagwagwa.

<sup>139</sup> Taata WakuJulu, sa i—i Munakristo, sa bantu sunu bala konzya kubona kuti—kuti Eco nce Cipego cipati? Elyo banji okuno, sunumasiku, banji kwiinda kkumi ababili, Nda yeeyela, batambika maanza abo kuti bali kuyanda kutambula Muuya

Uusalala. Akube okuya mbubonya buyo mbuli bantu basongo, ambweni taakwe naba omwe wa bamwi ba mbunga uyo bona eco cicitika. Elyo Nyenyezi eyi, oyu Mumuni wamaseseke aabukombi atala lya mayake akweembelela zya kujulu, kwa myaka yobilo, oko bantu nkoba kabamba ciindi mpawo kwiinda kuzibela zyone zyamasiku, ba kali kubamba ciindi kwiinda ku nyenyezi. Taakwe muntu, kwiina simakani akale wakalembo ncico. Taakwe muntu wakazi kujatikizya Njiyo, elyo nekubaboobo Ya kaliko. Elyo bantu aba basongo, a cipego cabu ceelela, bakasololelwu moonse kutozya kuli Njiyo. Akube kuti oyo Mumuni nguwenya uboole mu moyo aumwi, okuno sunumasiku, oyo uukkede eno. Inga kakutakwe kulimvwa kuliko, inga kakutakwe *eci*, *eco*, alimwi ambweni taakwe naba omwe umbi uyo ciziba, mbuli buyo bantu basongo. Pele akube kuti cintucimwi mbubonya cinjile mu moyo cibambwe mu bantu aba, banakazi, balombe a basimbi sunumasiku, kutegwa eco Cipego ca Leza cika nanike buumi bwabo. Kutegwa kuzwa busiku obu kuyabuya, ba kacincwe. Taba kabi limbi mbuli mbo bakabede. Ba yooba ii—ii cilenge cakacincwa kuzwa lino kuyabuya. Akube kuti ba, mbuli bantu basongo, banyonene ambi a kuta jokela ku ziyanza zya inyika (a Heroda, ng'anda iya mwaami), “Pele mukuba bakacenjezegwa a Leza, ba kanyonena ambali.” Ko cipa, Mwami.

<sup>140</sup> Sunumasiku Nda komba kuti muntu oonse musongo, mulombe, na musimbi, omuno sunumasiku... Mwaalumi na mwanakazi oyo musongo kwini cakuti anyonene ambali kuzwa ku zintu zya inyika sunumasiku, ata kajokeli limbi kwamana buzuba obu. Kwamana kwiinda oku—oku kwa buzuba a busiku obuno, taba kajokeli limbi ku zintu zya inyika, pele akube kuti babe basongo. Elyo Jwi eli liniini lya maseseke ilyabapa kuti batambike maanza abo a kwaamba, “Iyi, Ndi yanda Cipego ca Leza...” Akube kuti cintu nciconya eco cabapa kutambika maanza abo, cibazibye sunumasiku a lufu, kuzikkwa, a bubuke Bwakwe, kwiinda kukubapa Muuya Uusalala. Akube kuti banyonene ambali.

<sup>141</sup> Akube kuti banakazi aba sunumasiku, Mwami, abo bajisi ciindi ciyumu kutantamuka kuzwa ku kweendelana a inyika; kulekela masusu abo kukomena, a kusama mbuli mulindu, a kugusya ezi zyakulipanga buboneki a zintu ezi, oku kwa kulipangila, oko kutondezya...ku—ku baanga nkubazibya kuti tabakwe nseba mbotu, ba...kuli—kuli cintucimwi cilubide. Elyo akube kuti sunumasiku, oyu Mumuni muniini wa maseseke, Mwami, oyo wabapa kutambika maanza abo, akube kuti baambe kuteeti, “Mwami, Ndili mukunyonena ambali kuzwa ku zintu zya inyika, sunumasiku.”

<sup>142</sup> Aba baalumi ba taka jisi i—i—i cintucimwi cini, abo bali kuno kanana kuli bamakaintu babo akuba citya kunyonena ambali; a zintu ezyo nzo bacita. Akube kuti toonse

antoomwe, Mwami, tunyonene buyo ambali sunumasiku, kuba bakacenjezegwa a Leza kwiinda ku mulumbe muniini weenzu wa i—i wa Mumuni wa Leza oyo uuma atala a myoyo yesu. Akube kuti tunyonene ambali sunumasiku alimwi—alimwi kuponena Nduwe mazuba esu oonse, kuunka—kuunka ku ng’anda a Nduwe kwiinda mu nzila imbi kunze lya yeeyo njo twali kweendela. Ko cipa, Mwami. Kotubamba Banakristo babotu, Munakristo aumwi okuno sunumasiku, Taata, oyo wa Ku zamina a kusyoma muli Nduwe. Elyo bakasola kupona buumi bwa Bunakristo, pele sunumasiku, akube kuti banyonene ambali, akube kuti batambule Cipego eco.

<sup>143</sup> O Leza, ni—ni—ni nzila isampawidwe. Banakazi bayo itwa kuti “baziyanza zyakale,” bayo itwa zintuzyonse. Elyo bamaalumi bayo itwa kuti “basikwiindilizya.” Pele tuli—tuli libambilide, Mwami.

<sup>144</sup> Muuya Uusalala, kotunyonena ambali, ndyoonya lino. Kondi nyonena ambali, Mwami. Ta—Ta—Ta ndiyandi akwalo kuunka munzila ili yonse eyo iyo ndisololela kuzwa kuli Nduwe. Mwami, Ndi—Ndi yanda kuunka nzila njo Nga wayanda kuti ndiinke. Ndi yanda cipego caku moyo wangu kuba cilondokede loko kutegwa cikazibye Nduwe, Mwami, aa nyika, kuti To fwide, Uli muumi.

<sup>145</sup> Uli Leza wa baumi, kutali Leza wa bafu. I bafu babunglidwe nzinini koonse, a mazinini mapati, aapanga tuzunda a mazinini manji mapati; mbuli muntu unywa cakunywa cakwe citaanzi, ufweba musanga wakwe mutaanzi, waamba bubeji bwakwe butaanzi, uloboka mukaintu wakwe ciindi citaanzi; na mukaintu oyo uloboka mulumi wakwe, na kucita zintu zibyaabi; mbuli nzinini mpati iba namatide, alimwi ka...bala—bala vuzya kwiinda i...kuunka atala mu kumyontana a busofwi, nkambo ila buntu bufwide mukati. Myuuya mibi isomokela muli njyio. Elyo muuya mubi umwi umubamba kucita cintucimwi cimbi; alimwi umwi umbi ulaboola, kumucitya kucita cintucimwi cimbi nkaambo baka cita *ceeci*.

<sup>146</sup> Leza, akube kuti banyonene ambali a kuboola ku Buumi. Akube kuti babuke, alimwi Baangelo ba Leza baseluke a zipego zya Buumi Butamani, Mwami, a kuunka kuzwa ku kuzunda kuyaku kuzunda. Ko cipa, Taata. Twa nyonena ambali, sunumasiku, kuzwa ku zintu zya inyika a mapakasyo amu inyika, kucenjezegwa a Leza kuti ciindi cila afwaafwi, Jesu ulajokela ku nyika. Elyo akube kuti Muuya Uusalala Mulemu utupe, sunumasiku, obo Buumi Butamani mbo tu yandaula. Ko cipa, Mwami. Twa—twa komba buyo kuti Uyo pa zilongezyo ezi kuli ndiswe mbuli mbo twa zilomba mu Zina lya Jesu Kristo.

A mitwe yesu kiikoteme:

<sup>147</sup> Bantu basongo kaindi maningi bakasika kuli oyo... kaccilila Mumuni oyo ku ii... baka jana Mumuni Ulondokede.

Elyo akube kuti Mumuni muniini, sunumasiku, oyo waku bamba kutambika janza lyako, na ambweni tokwe akwalo... Wa kuuma, pele taakwe akwalo notambika janza lyako, akube kuti Mumuni oyo uzumanane kukusololela nkoonya ku Mumuni oyo Ulondokede.

Atwi imikile buyo toonse, ku mulimu muniini wakulisalazya.

<sup>148</sup> Atu bambe moyo wesu muniini okuno, sunumasiku, busena bwakukkalila Kristo. Amuyeeye, sunumasiku, kaano kangu kaniini kagambya ka mukumbizi. Sunumasiku, incobeni, Jesu Kristo ngooyo mukumbizi mu kagwagwa. Mbo mbubo, Wa—Wa kali mukumbizi mu kagwagwa. Oh, inzya, twaamba kuti, "Tula Mu belekela." Masimpe. Loonse lusakatizyo a bweebesi, oyo teensi Nguwe. Oyo teensi Nguwe. Wa keelede kufwa ku kulete Cipego eci, kutali cidooli, pele Buumi. Wa kacita kufwa kutegwa acicite, kusika kuli nduwe, nzila ilikke Nja kali kukonzya kusika kuli nduwe. Ta kakonzya kuboola buyo okuno akuba Muntu ulondokede, mbuli Mbwa kabede, a kusika kuli nduwe. Ta kakonzya kucicita mu nzila eyo. Wa kacita kufwa kuti acicite, kuleta—kuleta Cipego ca Leza kuli nduwe. Mbuli i—i mukumbizi mbwa kacita kutola cidooli ciniini ku musimbi wakwe, Kristo wa kacita kufwa kukuleta Leza kuli nduwe. Tu yanda ku Ci zamina sunumasiku. Elyo Nda syoma, a mitwe yesu kiikoteme,...elyo atu tambike buyo maanza esu kuli Leza a kusalazya maumi esu cabupya, nkoonya okuno sunumasiku.

<sup>149</sup> O Leza Siluzyalo, tu—tu yanda Cipego Cako. Ndi—Ndili waano, mbuli ciindi eci ca Krisimasi, Mwami, mbuli Mbwe mwvisya a kulanga atala a nyika a kubona lusakatizyo a bweebesi bwa buzuba, Ndi—Ndi konzya buyo kubona i... oko kutala, mbuli Bbaibbele mbo lyakaamba, bukkalo obu bwa Laodikeya, Ula anze lya mbungano Yako. Uli kakidwe, sikuloboka ku mbungano Yako Ini alimwi a ku bantu Bako Beni. Uli—Uli—Uli kakidwe. Ii—ii sikuloboka kuba cintucimwi eco citakatidwe, alimwi Uli takatidwe mu mbungano Yako Iini. Uli kakidwe akati ka bantu Bako. Taba Ku yandi, Mwami, alimwi ba Ka kusiya, mbuli mukumbizi, mu kagwagwa. Leza, Wa—Wa—Wa kazumanana kweenda, kafwa nekuba, kutegwa Ulete Cipego ca Leza kuli ndiswe. Elyo cakulibombya twa Ci zamina, Mwami. Nda komba kuti Uyo zuzya ncobeni myoyo yesu a maumi. Elyo tunyonene ambali, kuzwa ku busiku obu kuyabuya, alimwi akube kuti tube Bako cakumaninina mbuli mbo tulisalazya tobeni kuli Nduwe.

<sup>150</sup> Kondi tambula, Mwami. Mbunji bulubizi mu buumi obo Mbwe kacita. Elyo, Leza oyandwa, mbuli—mbuli Mbwe—mbuli Mbwe ima awa akasena aka kasetekene awo Makanimabotu mpa kambaukilwa alimwi awo mpo twa Ku bona okuno, akwalo mu ii—ii Mumuni mupati oyo wakaba mwekela. Elyo tuli lumbide kuli ceeci, Mwami. Nda—Nda lisalazya lwangu kuli Krisimasi

eyi, kutali mu . . . alimwi mbuli inyika mboinga yacita na ku—na kujula mapeeji mapya. Mwami, Ndi—Ndi yanda buyo kuzumina Mwana Wako. Ndi—Ndi yanda kuzumina Cipego Cako, Mwami.

<sup>151</sup> Ndi yanda kuzumina Cipego ca Buumi Butamani kwiinda muli Kristo. Elyo Mebo, cakasimpe, Mwami, zmina Cipego ca Kristo kuli ndime, kusola kuli janina bamwi kuli Nduwe. Leza, swebo umwi aumwi . . .

<sup>152</sup> Kobamba mukaintu muubauba wa mung'anda kuba mubotu a mubombe-loko, kutegwa akakonzye kusololela bamwi kuli Nduwe. I Cipego eco Nco kamupa, obo bwanakazi buniini mbuli mulindu mulome amutontozi, akube kuti abe mbuli mulindu kusikila basimukobonyina baka mubone alimwi—alimwi kuyanda kuba mbuli nguwe.

<sup>153</sup> Kobamba mwaalumi, mubelesi mu cintoolo, kufumbwa obo mbwabede, Mwami; mubambe kuba buumi bubombe, mbuli Kristo, kutegwa bamwi bakabone. Ta tuzi oko bantu aba nkobaimvwi okuya, Taata, pele tii twa yanda kusiya mugwagwamupati, mubotu wakaindi; pele tuyu yaamina musule, kuyaamina kumbele, kusika kulaale kuli koonse kujana buntu. Bikka eco munsi lyesu, Mwami, twa komba. Alimwi ko tupa i—i—i buumi obo buyocitya bantu kuyanda kupona mbuli boobo, mbuli mbo tu lisalazya tobeni kuli Nduwe, sunumasiku. Mu Zina lyu Jesu Kristo. Ameni.

Lino, amu kotamike mitwe yanu alubo, Ndi yanda kulombozezya umwi aumwi wanu Krisimasi wa lukkomano kapati:

<sup>154</sup> Akube kuti Cipo cipati ca Krisimasi, Cimwi citaanzi alimwi cilikke alimwi citaanzi a Cimwi cilikke ciliko, Jesu Kristo, abe mupya mu moyo wako sunumasiku. Akube kuti Muuya Uusalala uboole muli nduwe aku kuletela zipego zikutauka a zintu kuzwa kuli Leza, kutegwa yebo . . . ii cipego kutegwa ukapone buumi buli kabotu. Nce ncico Nce yanda. Inga ndasala kuba a Buumi bwa Kristo muli ndime kupona kabotu a cakuzunda kwiinda Mbwenga ndayanda zipego zyoonse zya kuponya, zipego zya zisinsime, zyoonse zipego zimbi; kondipa buyo Jesu. Ndilekele kupona Buumi, Buumi mbo mbubo Mbwe yanda kupona. Ndi yanda kupona kutegwa bamwi bakazibe. Oko nko kuyanda kwangu—kwangu kwa Krisimasi, alimwi Nda komba kuti nkokuyanda kwanu. Elyo Nda komba kuti Leza uyo tupa kuyanda Kwakwe.

<sup>155</sup> Lino, atube a ijwi kuzwa ku mweembezi, a kumwaisigwa. Elyo Leza amu longezye. Tuyo mubona Bwatatu masiku. Kusikila ciindi eco, Leza amu longezye.



*ZIPEGO ZYA LEZA LYOONSE ZILA JANA MASENA AAZYO* TNG63-1222  
(God's Gifts Always Find Their Places)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Nsondo mangolezya, Nalupale 22, 1963, ku Branham Tabernacle mu Jeffersonville, Indiana, U.S.A., wakagusigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2019 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)